



सानसेयारि 'बड'सा' खरीरालाइयाव समाजयारि जिउजो लोब्बा थाबाय रायथाय, रन्थाय, अल, अलबाथा आरो दावबायारि थावनि, पार्क बाइदिबि सायाव लिन्नाय लिन्बिबां बैथाय ठर। सानसेयारि 'बड'सा' खरीरालाइया सेबरानाबै फोखावगेन।

बड'सायाव लिन्नायलि दुबा अलाम, 'बड'सा' खरी नोथां, जो बयबो अंगो अलाम।

सानसेयारि बड'सा मावखुनि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 5 September, 2024 Kokrajhar, BTC, Assam ★ Vol.- 34, Issue No.161 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## सा-लक्षिमपुर नोगोरआव एमआरएफ आरो दाखोर-दालानिफ्राय कम्पस थियारि खालामग्रा बिथांखि बेखेवदों

### ब्रह्मपुत्रनि सा-सेरफांआव बेबायदि आगुआव नुनो मोनै जौगाखानाया सिगाडव माब्लाबाबो जायाखेमोन: गिबि मन्थि

दिसपुर, 4 सेप्टेम्बर: आसामनि गिबि मन्थि उ हिमन्त बिश्व शर्माआ दिने सा लक्षिमपुर नोगोरआव एमआरएफ (मेटेरियल रिक्भारि फेसिलिटी) आरो दाखोर-दालानिफ्राय कम्पस थियारि खालामग्रा मोनसे बिथांखिखौ हाबाफारि बायदियै बेखेवनायजों लोगोसेनो लक्षिमपुरखौ मिरु खालामनानै गासै ओन्सोलाव आथिखालाव लुफुनायनि गुबुन गुबुन थाखोआव थानाय गुदि बिथानि बिथांखिफोरखौ नायसनानै खामानिनि जौगानायखौ मिबथिना लायो। गिबि मन्थि उ शर्माआ दिने सा-लक्षिमपुरनि



जापिसजियाआव हाबाफारि बायदियै गोथारे बेखेवनाय एमआरएफ आरो दाखोर-दालानिफ्राय कम्पस थियारि

खालामग्रा बिथांखिनि थाखाय 5.75 कोटि रं बाहायजादों। मख'नो गोनांदि, गोगो साखोन-सिखोन गोथां

सोमखोर लक्षिमपुर सोरजिनयनि थांखिजों लुनाय बे बिथांखिनि (□ 5 बिलाइआव)

## बिटिआर क-अडिनेसन कमिटिनि गुबुन गुबुन दोलो आफादफोरजों बिटिआरनि गाहाइ खुंगिरि प्रमद बर'आ गोनांथार जुथुम खुदों

### समाजआरि, गंखास्थियारि, सोलेंथाय आरो हारिनि जौगाहोनायनि सायाव सावरायलायदों

कक्राझार, 4 सेप्टेम्बर: बिटिसिनि सदर कक्राझारआव दिने बिटिआर क-अडिनेसन कमिटिनि गुबुन गुबुन दोलो आफादजों बिटिआरनि गाहाइ मावफुं सोद्रोमा प्रमद बर'आ मोनसे गोनांथार बाथा सावरायलायो। मख'नो गोनांदि, बिटिआर गोजोन रादाय मुंसायलायनायनि उनाव बिटिआर रादायनि दफा मावफुंनो आरो गोजोन दाफुंनयनि फारसे गोनांथि होनानै बर' हारिनि माहारियारि आफाद दुलाराय बर' फरायसा आफाद (एबसु) नि बान्जायनायाव मोन 22 हारियारिनि मोन 27 हारियारि आरो फरायसा आफादखौ लानानै



बिटिआर क-अडिनेसन कमिटिखौ दानाय जादोंमोन। बेनि थाखायनो दिने कक्राझारनि दिमोलगावआव थानाय स्तर' खुंनय जादों। बे जथुमाव

मेल जथुमसालियाव दुलाराय बिटिआर क-अडिनेसन कमिटिनि सिखव थानाय गासै मोन 27 गुबुन गुबुन हारियारि खुंनय जादों। (□ 5 बिलाइआव)

## बिपिएफ-इउपिपिएलनि ज' जानाया बबेबा दोलोनि दावगानायखौ गिनानै नड, थि राजखास्थियारि आबहावा गायसनो थाखाय जागोन: रेनगोरा नार्जारी

कक्राझार, 4 सेप्टेम्बर: गोलाव सम गुबुन गुबुन दावराव-दावसियाया जांखिलांनय बिटिसियाव दानिया गोजोन थासारि फेदों। जर'खायै गुबुन गुबुन हारि-माहारिनि गेजेराव सोमजिनय गोजोन गैयै थासारिया दानिया गैलिया। बिटिआर गोरोबथानि गेजेरजों बे ओन्सोलनि फारफ्रोमबो बिथिहाव गोजोन थासारि फेदों। बिटिआर हालामाव गोजोन थासारि गायनजानायनिफ्रायनो गुबुन गुबुन सांरां नोगोरारिफोर नोजोर होबोदोंदि मोननै ओन्सोलारि दोलो दाफुंजानायनि थाखाय हालामाव फारफ्रोमबो दिगआव जौगाथयनि बिथिखव माबा मोनसे नाथाय थालादों।



मानोना मोननै ओन्सोलारि माहारियारि राजखान्थि हाज्जानि इसिडारि एना-एनिनि दोलोफोरनि नारसिन्नायाव थाखायनो माहारियारि राजखान्थि गावआरि महर-मुस्त्रिखौ खोमाना लानादों। बेनिखायनो सांयां नोगोरारि आरो माहारियारि आउद एबसु आरो बर' थुनलाइ आफादआ हालामाव अरायथा ओन्सोलारि दोलोफोरा (□ 5 बिलाइआव)

## चिरांआव बिटिसि खुंथायनि बान्जायनायाव जनता दरबार खुदों



कक्राजलगाव, 4 सेप्टेम्बर: सरासनसा राइजो-राजा आरो बिटिसि खुंथायनि गेजेराव थोंजोडे सोमोन्दै दाफुंनो थाखाय बिटिसिनि गाहाइ मावफुं सोद्रोमा प्रमद बर'आ जनता दरबार हाबाफारि खुदों। बे जनता

दरबार हाबाफारिनि गेजेरजों राइजो-राजाफोरनि गुबुन गुबुन जेनाफोरखौ थोंजोडे सावरायनानै सरकारी सुखुं अन्सायारि बिथांखिनि गेजेरजों सुखानो नाजादों। मंगलबारनि हराव बिटिसि खुंथायनि बान्जायनायाव

चिरां जिल्लानि भारत-भुयान सिमनानि रुनिखाथायाव थानाय हाग्रा बिफाननि सावराय न'ब्लाडाव खुंनय जनता दरबाराव बिटिसिनि गाहाइ मावफुं सोद्रोमा प्रमद बर'जों लोगोसे कक्राझार लक सभा बियाबनि एमपि जयन्त बसुमतारि, बिटिसिनि मावफुं सोद्रोमा रन्जित बसुमतारि, एमसिएए सायखं बसुमतारि, माथव कुमार चेन्सिजों लोगोसे (□ 5 बिलाइआव)



उदालगुरि, 4 सेप्टेम्बर: भारत-भुयान सिमना ओन्सोलफोरव गाहाइ जेनाया जादों गोगो लोंग्रा दै। थानाय समफोरव थरथंसे गोगो लोंग्रा दैन थाखाय हालाय-हाफाय थासारि सोमजिदोंमोन भुयान सिमना ओन्सोलफोरव। जायनि (□ 5 बिलाइआव)

## महापुरुश श्रीमन्त शंकरदेबनि थैनाय सानखौ सा सालमारा नि बिष्णुपुरजों लोगोसे साखाथियाव थानाय सत्रफोरावबो फालिदों



चापर, 4 सेप्टेम्बर: राइज्योनि गुबुन गुबुन जायगाफोरजों लोगोसे आफां आसामनि माखासे जायगानि अनगायैबो दिने महापुरुश श्रीमन्त शंकरदेब गुरनि गोथार थैनाय सानाव आद्यात्मिकनि गेजेरजों सा सालमारा महकुमानि सिखव (□ 5 बिलाइआव)

दरबार हाबाफारिनाय गौरभ गगैआ बाहागो लायो। जोनोम सानाव फेगौ समफोरव राइजो-राजानि

गुवाहाटी, 4 सेप्टेम्बर: दिने एमपि गौरभ गगैनि जोनोम सान। गावनि जोनोम सानाव शिबसारगनि जारिमिनारि शिबदौलआव आलारि बाथि फोजोनानै सिबिहैयो गौरभ गगैआ। बेनि अनगायैबो जोनोम सानजों लोब्बा लाखिनानै गौरभ गगै फेन्स क्लाबनि बान्जायनायाव खुंनय विफां फुलि गायनाय आरो साखोन-सिखोन खालामनाय हाबाफारियाव गौरभ गगैआ बाहागो लायो। जोनोम सानाव फेगौ समफोरव राइजो-राजानि



सिबियारि महरै खामानि मावलांनो थाखाय समाय खिरा लायो गौरभ गगैआ। जारिमिनारि सम्पदन थि संरैखाथि, समायनाथि, दावबायथिलि महरै फोजौखांनो ताखाय मिरुनि बिफाननिफ्राय गोनांथि जानाय खाबुफोरखौ आसामा मोनो हायाखै होनानै एमपि गगैआ फोरमायो। दासान्दि राइज्योयाव सोलिनाय थासारिनि सायाव (□ 5 बिलाइआव)

## फोरोंगिरिफोरा दिने फरायसाफोरनिल' फोरोंगिरि नला बिथांमोनहा हारि आरो हादत दानायनिबो फोरोंगुरु: अबित नार्जारी थाइगिरगुरि गुदि फरायसालिनि गाहाइ फोरोंगिरि ज्या रानि बसुमतारीनो 4थि 'सोरानि साथि बान्था'खौ गथायबाय

कक्राझार, 4 सेप्टेम्बर: दुलाराय बर' फरायसा आफादनि मावथांखि 'गुनगोनां सोलेंथायनि जांखिखानाय' हाबाफारिखौ बिथा खालामनानै रामफलबिल दख'रा दुलाराय बर' फरायसा आफाददष्टा दख'रा आफादनि गासै फोरोंगिरिफोरखौ लाफाना फोरोंगिरि जथुम लोगोसे 137थि फोरोंगिरि सानखौ बिथा खालामनानै 4थि 'सोरानि साथि बान्था' गथायनाय हाबाफारिखौ हाबुबारिनि इ.एन. ब्रह्म भकेसेनेल गोजौ फरायसालियाव दिने 4 सेप्टेम्बरखालि मोनसे मेहेर गोनां हाबाफारिनि गेजेरजों खुंफुडे। बे हाबाफारियावो हांखायनाय



बादियै जर'खा आलासि महरै दुलाराय बर' फरायसा आफादनि बुंथिगिरि अबित नार्जारीआ बाहागो लायो। बाहागो लानानै बिथाड 137थि 'फोरोंगिरि सान'नि गाहाम हामलाइथि बाउग्रोनानै हारियाव बर' फोरोंगिरिफोरनि गोदोनिफ्राय दिनेसिम बिहोमा होबोनायनि सायाव गुवारै बिबुंथि लाखियो। बर' हारिखौ गेरेमसा बर' माहारि दानायाव आरोबाव साफ्रोमबो बर' फोरोंगिरिफोरखौ फोरोंगुरु महरै बाहागो लानो खावलायबावनानै फोरोंगिरिफोरा दिने फरायसाफोरनिल' फोरोंगिरि नला बिथांमोनहा (□ 5 बिलाइआव)

## बड'लेण्ड मुलुगसोलोंसालियाव श्रीमन्त शंकरदेबनि थैनाय सान फालिदों

आथिखालनि गोदान माहारियारि सोलेंथाइ खास्थिनि सानसिखौ शंकरदेबआ 550 बोसोर सिगांनो होलादों: उ नयनज्यति दास

कक्राझार, 4 सेप्टेम्बर: 'बेडनि सान्थौ बायदिब्ला हिन्दुआ मोनसे सान्थौ। बेयाव जेबो थि फोथायखास्थि गैया। खालिबोल' सैथो आरो मुक्तिनि नागिरनायल' दं। बे गिदिर लाथिख' जायखौ परमात्मा एवा परम ब्रह्म होनानै बुंनय जादों, बेयावनो जौनि सोरजि, थाना थानाय आरो थैनाय। जायखौ जों ब्रह्मा, बिष्णु आरो महेस्वर मुं होदों। बे गिदिर (□ 5 बिलाइआव)

## बडइगाव रिफाइनारि बिबानगिरिनि मावफारिया बरेखा खास्थिनि हेंथायै अरायथा नडै मावफारिया आफादआ खुद्रिखादों



काजलगाव, 4 सेप्टेम्बर: भारतआरि थाव निगमनि सिखव थानाय बडइगाव रिफाइनारि बिबानगिरि आरो माखासे थिकादारनि मावफारिया बरेखा खास्थिनि थाखाय सा 26 अरायथा नडै मावफारियाफोरा खामानि खोमाना लानो गोनां जादों। बेनि अनगायैबो गोवां अरायथा नडै मावफारियाफोरा गावसोरनि मोनो गोनां मोन्थायखौ मोनो हायाखै। मावफारियाफोरा मोगा-मोगि जानानाय जेनाफोरखौ सुखानो थाखाय मावफारिया आफादनिफ्रा बडइगाव रिफाइनारि बिबानगिरिनि (□ 5 बिलाइआव)



## सुजुगिरिनि खोलोम

## फोरोंगिरि सान

फोरोंगिरिफोरनि बिहोमाखौ मान होना नै जौनि हादतआव बोसोरफोमबो 5 सेप्टेम्बर सानखौ फोरोंगिरि सान महरै फालिनाय जायो। जोनोमगिरि बिमा-बिफाफोरनि उनावनो फोरोंगिरिफोर गथ 'फोरनि थाखाय मोनबो सर्थ गैयालासेनो मोखथाडर जिउ दानायनि फासं नाजाथाबो आरो जौनो मोजां जानायनि आरो गोरों-गोर जानो हानायनि गियायन होयो। जाहाथे जौनि गथ 'फोर जिउनि थानानै थानायनि लामाययव सोल्लो गोनां मोनफोमबो आयदा फारियाव जाफुंसारनानै सासे मोजां आरो गोरों सुबुं जाहेनो हायो। फोरोंगिरिफोरनि बिब्द सर्थ गैये बिफाव लानाय आरो बिसेरनि आसि थुये थुये गियायन होनाय फोरोंनायखौ साबायख 'र बाउनो थांखियेनो बोसोरफोमबो 5 सेप्टेम्बरनि सानखौ टीचासं डे महरै फालिनाय जायो। नाथाय मोनसे सौनाय फेयो-वे सानखौ फालिनो थाखाय 5 सेप्टेम्बर सानखौल 'मानो सायख 'नो गोनां जाखो आरो टीचासं डे फालिनाया सिगाडव मा रोखोमनिमोन, बेनिबो जारिमिन नुनो मोन्नाय जायो।

मख 'नो गोनां-5 सेप्टेम्बर अकट्याव ७ सर्वपल्ली राधाकृष्णनआ जोनोम जादोमोन। सोल्लोथायगिरि ७ राधाकृष्णनआ उदां भारतनि गिबि लेखइ हादतगिरि आरो नैथि हादतगिरि जानायजौ लोगोसे सासे गेदेमा फोरोंगिरिबो जादोमोन। बिथाड मइसुर मुलुगसोल्लोसालिआव दर्शनशास्त्र बिफाननि प्रफेसारनि हाबा मावदोमोन आरो बे समाव बिथाड फरायसाफोरनो सोल्लोथाय होनायाय गिदिर बिहोमा होबोदोमोन। ७ राधाकृष्णनआ जेब्ला 1962 माइथायाव भारतनि नैथि हादतगिरि महरै बिबान रुजुनो, अब्ला बै समनि बिथानि फरायसाफोर 5 सेप्टेम्बर सानखौ फोरोंगिरि सान महरै फालिनो थांखि लादोमोन। थांखि बादियेनो फरायसाफोरा हादतगिरि ७ राधाकृष्णननि खाथियाव थानानै बेनि गनायथि मोन्नो बिथाखौ खावलायहेदोमोन। बे समनिफरायनो ७ सर्वपल्ली राधाकृष्णननि जोनोम सानखौ टीचासं डे महरै फालिबोनाय जादो आरो फालिगासिनो थायो। बिथांखोदि फरायसाफोर जोबोरनो मोजां मोनोमोन आरो सिबियोमोन बेनिफरायनो रोखा जायो।

मख 'जाथावना बे सानखौ फालिनो थाखाय बोसोरफोमबो मोनसे नडा मोनसे थीम (Theme) सायख 'नानै फोरोंगिरि सानखौ फालिनाय जाबोदो। फोरोंगिरि सान एबा टीचासं डे 2024 नि थीमआ 'सोल्लिनो हानाय बादिये इयुनि थाखाय सोल्लोथायगिरिफोरखौ गोखौ खालामनाय' (Empowering Educators for a Sustainable Future) खौ थि खालामनानै फालिदो। फोरोंगिरि सानाव फोरोंगिरिफोरनि बिबान मावनाय, बिफाव होबोनायनि सायाव बिथा खालामनानै राइज्योआरि आरो माहारिआरि थाखोयाव बान्था होनाय जाबोदो। देगलायबो गोबांथाय फोरोंगिरिफोरनो बान्था होनायनि फोसावथाय होनायखौ नुनो मोन्नाय जादो। फोरोंगिरि सानआव फरायसाफोरा फोरोंगिरिफोरनि आथि हमानै मान होनाय, फरायसाफोरनो अन्नाय होनाय,बोर जासिनाय जायोब्लाबो सम सम फोरोंगिरि आरो फरायसाफोरनि गेजेराव जैरेबादिये सोमोन्दो थानांगो बेनि उल्था जानायखौबो सम सम नुनो आरो खोनानो मोन्नाय जायो। फोरोंगिरि सान एबा टीचासं डेनि गेजेरजौ फेगौ समावबो गेदेमा सुबुं आरो उदां भारतनि नैथि हादतगिरि ७ सर्वपल्ली राधाकृष्णनखौ बिथानि फरायसाफोरनि मोजां मोन्नाय, सिबिनाय होनाय बादिनो फरायसा समाजआबो सोल्लोनांगीनि गोनाथि दड।

## दिनैनि फान्जामुथि

## राशि बाइदिये मुनि गिबि हांखो

मेघ : अल वृष : ऊब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ठ (ण ष)  
तुला : त र बृश्चिक : ब न धनु : ध भ (ढ फ)  
मकर : ख ज कुम्भ : ग श (स) मीन : द च (ख ज झ)

मेघ: लोगोनि दारै माबाफोर दावराव-दावसि जानो हागौ। लोगोनि सोमोन्दो थानाया गावसालायनो हागौ।

वृष: मोजां मोनलायनायनि सोमोन्दो थानाया गोर जागोन। फारफोमथिबो मोजां।

मिथुन: नख 'रआव माबाफोर जेना नुजानो हागौ। जिगा सिनांगोआ जोबनाय नडा।

कर्कट: मानिबा जेनानि थाखाय जिगा सिनांगो हागौ। जेखि जाया गोसोखौ हमथा।

सिंह: जैरेबो रंजा-बाजा खालामनानै सम बारहोनो हागोन। बे राशिनि थाखाय गाहाम सान।

कन्या: जेखि मावा फालांगियाव मुलाम्फा मोन्नो हागोन। गोसोखौ गोजोन मोनगोन।

तुला: माबाफोर सान्नाय थांखिफोर जाफुंनो हागौ। गोसोआव रंजाखानाय फेगोन। मोजां सान।

बृश्चिक: मानिबा खामानिनि थाखाय अजद दैखांजानो हागौ। सान्नाया फेलें थंगोन।

धनु: बेफार फालांगि मावग्रानि थाखाय मोजां सम। मुलाम्फा आरजिनानै लानो हागोन।

मकर: मोजां रेंगथि जानो हानायनि मान-सन्मान मोन्नो हागोन। गोजोन मोनगोन।

कुम्भ: बे राशिनि थाखाय मोजां सम। जेखि मावा फालांगिआव मुलाम्फा मोन्नो हागोन।

मीन: महर-मुस्त्रि मोजांनि थाखाय बयजौबो बाखायजानो मोनगोन। गोजोन मोनगोन।

## फोरोंगिरि सान आरो ७ सर्वपल्ली राधाकृष्णननि उनमोनथाइ

जाहिर आहमेद तापादर  
राव सोलायगिरि- सुजु आफाद बड'सा

७ सर्वपल्ली राधाकृष्णनआ जेब्ला इ 1962 माइथायाव भारतनि नैथि हादतगिरि महरै बिबान आजावदोमोन, अब्ला बिथानि फरायसाफोर 5 सेप्टेम्बर बिथानि जोनोम सान फालिनो गनायथि बिनो थाखाय बिथांखौ खावलायदोमोन। हादरगिरिआ फिन्नाय होदोमोन, आनि जोनोम सानखौ आलादायै फालिनायनि अनगायै, जुदि 5 सेप्टेम्बरखौ फोरोंगिरि सान महरै फालिनाय जायो, अब्ला समाजाव फोरोंगिरिफोरनि बेसेनगोसा बिहोमाखौ गनायनाया मोनसे जुनिया मोन्नाय जागोन' आरो बेबायदिनो 5 सेप्टेम्बरखौ फोरोंगिरि सान महरै मिबथिनाय जायो। ७ सर्वपल्ली राधाकृष्णनआ समाजआव फोरोंगिरिफोरनि बिहोमाखौ मिबथिहोनो लुबैदोमोन। 'फोरोंगिरिफोरा हादरनि साबसिन मेलेमनि जानांगौ' बिथाड बेखौ फोथायदोमोन। फोरोंगिरिफोरा लाइमोनफोरनि गोसोखौ महर होनायनि थाखाय मिबथिजायो आरो गियायन गैयाब्ला बे मुलुगव रावबो जौगानो हाया। 'Political Thinkers of Modern India' मुनि गावनि बिजाव ७ राधाकृष्णनआ भारत बायदि जौगाफु हादरफोराव फोरोंगिरि आरो सोल्लोथायनि गोनांथिनि सायाव नोजोर होदोमोन। बिथानि बायदिब्ला, फोरोंगिरिफोरा हादर दानायाव गोनांथाय बिफाव लायो आरो बे जाहेननि थाखाय, बिसेरखौ जोबोद मान होनांगौ। ७ राधाकृष्णनआ सासे फोरोंगिरिखौ एरेबायदि आंथि बेखेवदो- 'जाय मोनसे जोबथायाव सानस्त्रिनि गुबुन-गुबुन बोहैथिफोरखौ ज' खालामनो थाखाय दिन्थिफुनायव गोसो होयो।'

भारतआव बोसोरफोमबो 5 सेप्टेम्बरखालि जौनि फोरोंगिरिफोरखौ मान होनाय आरो समाजाव बिसेरनि मख 'जाथाव बिहोमाफोरखौ मिबथिहोनानि थाखाय फोरोंगिरि सान फालिनाय जायो। बे साना फोरोंगिरिफोरनि बावसोमनाय आरो गोब्राब नाजानायखौ मान बाउनय महरै खामानि मावो जाय फरायसाफोरनि इयुनखौ महर होनायाव मोनसे मख 'जाथाव बिफाव लायो। बेयो बिथांमोननि बिहोमानि थाखाय साबायख 'र बावनाय आरो बाखानाययखौ फोरमायनो मोनसे खाबु होयो, जाय सुबुंफोरनि गावनि आरो जिउराहायारि जौगानायखौ गोहोम खोख्लैनो थाखाय थाखो खथानिफराय गोसारना दड। बे फालिथाया मेलेमारि आरो बोसोनारि जौगाथायखौ बांहेनायाव सोल्लोथायनि गोनांथिखौ नोजोर होयो, मोनसे गोखौ सोल्लोथायारि खान्थिनि बेसेनखौ नोजोर होयो, जाय सांखारिजाथाव साननाय, बोसोनारि बेसेनफोर आरो मुलुगनि मोनसे मोजाडै बुजिनयखौ जोथोन होयो। फोरोंगिरि सानाव, फरायसाफोरा बायदि रोखोमनि आवफावफोर, जैरे- साबायख 'र बिलाइ, बिबुंथि आरो फिसा-फिसा अन्थोबफोरनि गेजेरजौ गावसोरनि फोरोंगिरिफोरनि थाखाय गावसोरनि बाखानाययखौ दिन्थिनो खाबु मोनो। बेयो फरायसा आरो सोल्लोथायगिरिफोरनि गेजेराव मोनसे मोजां आरो सन्मानगोनां सोमोन्दोखौ बांहेनायाव मदद होयो। फोरोंगिरिफोरजौ गेवलां आरो सन्मानगोनां सुज्जानायनायव बाहागो लानाया फरायसा-फोरोंगिरिनि सोमोन्दोखौ गोखौ खालामनो हागौ। सोल्लोथायगिरिफोर, खान्थि बानायग्राफोर आरो राइजो-राजानि गेजेराव खौसेयै नाजानाया बेखौ थि खालामोदि, सोल्लोथायारि खान्थिया फरायसा आरो फोरोंगिरि मोननैनिबो गोनांथिखौ आबुं खालामो।

## आसाम राइफल्सआ मरेहनि सिमना ओन्सोलनिफराय सुरां मुवा लाबोनो नाजानायखौ हमनानै फेलें खालामदौ

इम्फल, 4 सेप्टेम्बर: आसाम राइफल्सआ मणिपुरनि मरेहआव हादिमायारि सिमनायाव सिमना बारनायनिफराय होबथाजाथाव मुवा-बेसाद सिखाव खावनायखौ फेलें खालामो। रैखाथि मावसुमाफोरा मोनसे बस्ता, जेराव आलादा-आलादा रोखोमनि ड्रेस दडभोन, बस्तानै सुपारी (बस्तासेयाव 60 किल 'ग्राम), 380 पेकेट थामफै होखारग्रा मुलि, 96 डिब्बा एनजि ड्रिंक, 40 पेकेड नुडल्स, सुपारी 120 किल 'ग्राम बोखाडो। बेसेरजौ लोगोसे गं 71 बतल जौ मोन्दोमोन। जर 'खा खौरनि सायाव नायबिजरिनानै आसाम



राइफल्सआ मोनसे अपारेसन जागायो आरो 1-2 सेप्टेम्बरसिमाव भारत म्यानमार सिमना (आइएमबि) जौ लोगोसे मरेहयाव माखासे जायगाफोराव होबथाजाथाव मुवा-बेसादफोरनि सिमना

फे जौ दायो सासे सोल्लोथायगिरि महरै ७ सर्वपल्ली राधाकृष्णननि बिहोमाफोरखौ नायबिजरनि। बिथानि सोल्लोथायारि सानथौआ बे फोथायनायाव गोथौयै रोदामोनदि, सोल्लोथाइआ गासै बिथिडव जानांगौ, जाय मेलेमारि जौगानायल 'नडा। नाथाय बोसोन आरो बोसोनारि बेसेनखौबो जोथोन होनांगौ। बिथानि नोजेरा सानजा आरो सोनाबारि मोन्नेबो सोल्लोथायारि दोरोंफोरखौ बोजबना लादोमोन, मोनसे समांथि नोजोरनि थाखाय वकालत खालामदोमोन, जाय सांखारिजाथाव साननाय आरो मुलुगनि मोनसे गुवार बुजिनयखौ थुलुंगा होदोमोन। कलकाता मुलुगसोल्लोसालि आरो अक्सफर्ड मुलुगसोल्लोसालि बायदि सनमान गोनां फसंथानफोराव बिबुंगोरा महरै बिथानि हाबा मावनाया बिथांखौ मुलुगनां थाखोआव सोल्लोथायारि सानथौखौ गोहोम खोख्लैनो खाबु होदोमोन। गोजी सोल्लोथायनि थाखाय राधाकृष्णननि मददआ सोल्लोथायारि गोखौंथि आरो मेलेमारि उदांस्त्रिखौ बांहेनो नाजानायजौ सिनायथि होजादोमोन, जाय भारत आरो गुबुन हादरआव गोजी सोल्लोथायनि दावगानायाव मख 'जाथाव बिहोमा होदोमोन। लेखइ हादरगिरि आरो उनाव भारतनि हादरगिरि महरै, राधाकृष्णनआ सोल्लोथायारि खान्थिफोर आरो फोसावनायफोरखौ महर होनायाव गोनां बिफाव लादोमोन। बिथानि दैदेनायाव गोबां सोल्लोथायारि फसंथानफोर गायसन्नाय जादोमोन आरो फराफारनि गुन आरो फोरोंनाय आदबफोरखौ साबसिन खालामनायनि थांखिजौ फोसावनायफोर लाबोदोमोन, जायजौ सोल्लोथाया बासिन मोन्नो हाथाव आरो समान जादोमोन। फोरोंनायनि फारसे बिथानि बावसोमनाय आरो फरायसाफोरजौ गोथौयै नांथाबनो हानाय गोहो आरो गोब्राब नायबिजरिनानि आबहावाखौ बांहेदोमोन। बिथाड गोसोर्जौ सासे थार फोरोंगिरिमोन। राधाकृष्णननि गोहोमा हायुंआरि सोल्लोथाय खान्थिसिम गोसारदोमोन, जेराव बिथाड हायुंआरि जौगानायखौ मदद होग्रा सोल्लोथायारि फ्रमवर्कखौ जौगाहोनायाव गोनांथायमोन। दावगानाय आरो खौसेथिनि मोनसे आगजु महरै सोल्लोथायाव बिथानि गोसो होनाया उदां भारतआव मोनसे गोखौ सोल्लोथायारि बिथायारि सानजथाइनि बिथा गायसन्नायाव गाहाइ बिफाव लादोमोन। बिथाड हायुंआरि खौसेथि आरो समाजारि गोरोबलायनायखौ बांहेनो थाखाय सोल्लोथायनि बाहायनायखौ मदद होदोमोन। बिथानि दैदेनाया बै बिथांखिफोरखौ जौगाहोदोमोन, जाय भारतनि गुबुन-गुबुन हादिफोरनि गेजेराव सोफादेनाय आरो बुजिलायनायखौ थुलुंगा होदोमोन, जाय मोनसे खौसेथि आरो खौसेथि समाजनि फारसे बिथानि बावसोमनायखौ दिन्थियो। हादरगिरि महरै राधाकृष्णनआ गावनि बोसोनारि दैदेनाय आरो न्याय आरो सैथोथिनि थाखाय गोखौं रादाय होनायनि थाखाय मिबथिजायोमोन। खुंथाइनि फारसे बिथानि खान्थियारि नोजोरथि आरो बिथानि मेलेमारि रेंग 'थिया गियायन आरो सैथोथिजौ गोब्राब राजखान्थियारि आरो समाजारि जेनाफोरखौ नेभिगेट खालामनायाव मदद होदोमोन। राधाकृष्णनआ गोनांथाय हादिमुआरि आरो मेलेमारि बिहोमाबो होदोमोन, जाय सानजा आरो सोनाबारि सानथौनि गेजेराव मोनसे दालां महरै खामानि मावदोमोन। भारतारि सानथौ आरो बेसेनफोरखौ जौगाहोनायाव बिथानि बुहुमनां गोसारनाया गेजेर हायुंआरि थाखोआव भारतनि हादिमुआरि गोहोखौ बांहेदोमोन। सासे सोल्लोथायगिरि आरो हायुंआरि दैदेनगिरि महरै ७ सर्वपल्ली राधाकृष्णननि मोननै बिफावआ सोल्लोथायारि फोसावनाय आरो हायुंआरि जौगाथाय मोननेयावबो बिथानि

मख 'जाथाव गोहोमखौ दिन्थियो। बिथानि सोल्लोथायारि सानथौ आरो दैदेनाया मोनसे गोजोर उनमोनथाइ गालांबाय जाय भारत आरो बिनि बायजोआव सोल्लोथायारि हुदाफोर आरो बिथांखिफोरखौ थुलुंगा होबाय थायो आरो लामा दिन्थिबाय थायो। बिथानि बिहोमाफोरखौ मान होनां, जौ खालि फोरोंगिरिफोरनि बिफावखौल 'फालिनाय नडा, नाथाय मोनसे औरैबायदि आबहावाखौ जौगाहोने थाखाय जौनि रादाइखौबो रोखा खालामो जेराव सोल्लोथाया जौगायो आरो समाजारि दावगानायाव बिहोमा होबाय थायो।

फोरोंगिरि सानआ फोरोंगिरिफोर आरो समाजखौ महर होनायाव गोथौ गोहोम खोख्लैनायनि गोसोखांहोग्रा महरै खामानि मावो। बे फालिथाया फोरोंगिरिफोरनि मोनफुनायफोरखौल 'गनायना लायाखै, नाथाय समाजनि दावगानायनि थाखाय मोनसे गोखौं आरो हेफाजाबारि सोल्लोथायारि खान्थिनि गोनांथिखौबो गोखौं खालामो। ( लिरिगिरिआ फोरमायथाय आरो सुबुं फोनांजाव, बि टि सि कक्राझारनि रिजनेल अफिसार काम सि एडस डि )

## AFFIDAVIT

I, SITARAM SHAH, aged about 62 years, S/O-Late Banarasi Shah, a permanent resident of Village Paschim Patgaon under P.O.- Patgaon, P.S.- Serfanguri, District- Kokrajhar, Assam, PIN- 783346, do hereby solemnly affirm and declare as follows:-

1. That, I am the bona-fide citizen of India by birth and the permanent resident of above noted address.
2. That, my actual and correct name & surname is SITARAM SHAH, which is recorded in my Aadhaar Card, vide Card No. 4093 3831 2875 and other relevant documents.
3. That, in my Land Documents such as Jamabandi for Surveyed Village and etc. in respect of a plot of land, covered by Dag No. 117, 119, 122, 258 & 85 and Patta No. 14 of Village- Paschim Patgaon under Kokrajhar Revenue Circle, Dist.- Kokrajhar, Assam, wherein my name & surname has been recorded as SITA RANA SWAB instead of my actual and correct name & surname SITARAM SHAH as well as in the said Land Documents, my deceased father's name has also been recorded as P. BANARASI UPADHYAY instead of his actual and correct name BANARASI SHAH.
4. That, I do hereby declare that SITARAM SHAH and SITA RANA SWAB is the same and one identical person i.e. myself none other else.
5. That, I further declare that BANARASI SHAH and P. BANARASI UPADHYAY is the same and one identical person i.e. my deceased father none other else.
6. That, I am swearing this affidavit to ascertain the above facts and to avoid the confusion regarding my name & surname and my deceased father's name & surname as well as rectification/correction as stated above and to produce the same before the concerning authority and doing needful accordingly.

The above statements are true to the best of my knowledge, belief and information and nothing has been concealed therein.

## AFFIDAVIT

I, BIRKHA BAHADUR SUNAR, aged about 46 years, S/O- Late Ranga Lal Sunar, a permanent resident of Village- Paschim Patgaon under P.O.- Patgaon, P.S.- Serfanguri, District- Kokrajhar, Assam, PIN-783346, do hereby solemnly affirm and declare as follows:-

1. That, I am the bona fide citizen of India by birth and the permanent resident of above address.
2. That, my actual and correct name & surname is BIRKHA BAHADUR SUNAR, which is recorded in my Aadhaar Card, vide Card No. 2542 6160 7371 and other relevant documents.
3. That, in my Land Documents such as Jamabandi for Surveyed Village and etc. in respect of a plot of land, covered by Dag No. 117, 119, 122, 258 & 85 and Patta No. 14 of Village- Paschim Patgaon under Kokrajhar Revenue Circle, Dist.- Kokrajhar, Assam, wherein my name & surname has been recorded as BIRKH BAHADUR SONAR instead of my actual and correct name & surname BIRKHA BAHADUR SUNAR as well as in the said Land Documents, my deceased father's name has also been recorded as P. RAINAL SONAR instead of his actual and correct name RANGA LAL SUNAR.
4. That, I do hereby declare that BIRKHA BAHADUR SUNAR and BIRKH BAHADUR SONAR is the same and one identical person i.e. myself none other else.
5. That, I further declare that RANGA LAL SUNAR and P. RAINAL SONAR is the same and one identical person i.e. my deceased father none other else.
6. That, I am swearing this affidavit to ascertain the above facts and to avoid the confusion regarding my name & surname and my deceased father's name & surname as well as rectification/correction as stated above and to produce the same before the concerning authority and doing needful accordingly.

The above statements are true to the best of my knowledge, belief and information and nothing has been concealed therein.

## डिएसिआ गोदान मुगानि टेंक, राडार आरो पेट्रलिं अं जाहाज थियारि खालामदौ

गोदान दिल्ली, 4 सेप्टेम्बर: रैखाथि मन्थि रजनाथ सिंहनि दैदेनाय रैखाथि बायग्रा परिषद (डिएसि) आ मंगलबारखालि सान्थिफोरनि टेंक फ्लीटनो इयुनिनि थाखाय थियारि दावहारु गारिफोर ( एफआरसिभि), पेट्रिलियम उरां जाहाजफोर आरो एयार डिफेन्स फायर कन्ट्रल राडार इत्यादिखौ बायनो गनायथि होयो। आइ डिएसिआ गासै मोन 10 बायनाय थांखिफोरनि



थाखाय गनायथि होयो। बेफोरखौ बायनायाव 1,44,716 कौटि रं खरसा

बाहागोआ हादतनिनो फुंखाफोरनिफराय। भारतआरि सान्थिनि टेंक फ्लीटखौ गोदान मुगानि बानायनो थाखाय एफआरसिभिखौ बायनाय थांखिखौ गनायथि होदो। एफआरसिभिआ इयुनिनि गाहाय दावहारु टेंक जागोन, जेराव साबसिन मबिलिटि, गासै रोखोमनि ओन्सोलाव सालायनायनि गोहो, माखासे लेयारनि रैखाथि गोहो थगोन।



## गाहाड़ मन्थि मदिआ बुनेइ दावबायनायनि उनाव सिंगापुर थांसिगोन

गोदान दिल्ली, 4 सेप्टेम्बर: पिएम मदिआ खोला-सान्जा एसियाआव थानाय फिसा हादत बुनेइ दावबायनायनि सिंगां भारतयारि गाहाड़ मन्थि जादों। फेगो सानथामनि गेजेराव दरनो हादतफोराव दवबायनायनि गिबि खोलोबाव बेलासिनि 3:00 रिगायाव पिएम मदिनि जर'खा उरं जाहाजआ बुनेइ दारुसलामनि उरं जाहाज गाथोनाव बाग्लायो। बेयावनि सरकारआ क्राउन प्रिन्स हाजि अल-मुहतादी बिल्लाहखो बिथां मदिरखो बरयनो दैथायहरो। अदेबानि मदिआ बुधबारखालि बुनेइनि सुल्तान हाजि हसनल बलिकायहजो लोगोसे जथुमा खालामगोन आरो बे सानखालिनि मोनाबिलियाव सिंगापुरनि थाखाय



रवना होगोन। बुनेइयाव पिएम मदिनि सावरयनायाव रेखाथि आरो इनाजिनि सोमोन्दोफोरखो लानानै बाजे टखो बां होदों। बेबायदियाव भारतआ बेयाव गिदिर खाबु मोन्नो हागो। लोगोसे बे हादतआ इनाजिनि बिथिडव थोजासे। भारतआ दाबो बुनेइनिफ्राय गोथां

थावखो जरखा महरै लाबोयो। बेयो भारतआरि पिएमनि गिबि बुनेइ दावबायनाय होन्ना हादतयारि बिफाननि बुंथिगिरि रंधीर जायसवालआ बुंदों। बिथांनि बे दावबायनायजो गासै खोला-सान्जा एसिया ओन्सोलजो लोगोसे भारतनि सोमोन्दोआ गोखों जागोन।

गुवाहाटी, 4 सेप्टेम्बर: आसाम पुलिसअ आसामनि डिमा हासाव जिल्लायाव माहारियारि राजा-लामा 27 (एनएच-27) नि जाटिंगा आरो हारांगजावनि गेजेरजो गिदिर फालांगियारि गारिफोरनि हान्था-मेलानि सायाव होबथानाय फोसावदों। लान्थियै अखा हानानै हा गिसिखानाय आरो लामा बायग्रबनायनि जाहोनाव बानायनाय हाबाफारिया सोलिंगासिनो दड। डिमा हासाव जिल्लानि सिडाव एनएच 27 नि जाटिंगानिफ्राय हारांगजावनि गेजेराव गोलाव ट्रकफोर आरो ट्रेलारफोर (24 फिटनिफ्राय लावसिन) लोगोसे खब 12 साखा एबा बेनिफ्राय बांसिन फालांगियारि गारिफोर



सालायनायनि सायाव अरयथा नडै महरै होबथानाय जाबसिन्ना होदों। आसाम पुलिसनि सिपिआरअ प्रणबज्यति

गस्वामीया बुधबार फुडव बुंदों गोलाव गोलाव ट्रक आरो ट्रेलार, जायफोर बराक हायेनजो दावबायो, बिसोर बिथोन

फोसाव फिनजासिमाव मेघालय (माहारियारि राजा-लामा-6) नि गेजेरजो हान्था-मेलानि खालामनांगोन। मख'नो

गोनादि, एनएच-27 आ सान्जा-सोनाब माहारियारि राजा-लामानि मोनसे फोनांजाव लामा, जाय गुजरातनि परबन्दरनिफ्राय जागायनानै आसामनि शिलसराव जोबहैयो। बे राजा-लामाया गुजरात, राजस्तान, मध्य प्रदेश, उत्तर प्रदेश, बिहार, सोनाब बंग आरो आसामजो हाबलाडे। आसामाव राजा-लामा बडाइगाव, बिजनि, हाउलि पाताचारुकि, नलबारी, रडिया, गुवाहाटी, नगाव, हजाइ, लंका, लामडि, हापलं जानानै शिलसरे सौहैयो।

## जोनि खामानिया बिजेपि-आरएसएसनि बोखावनाय राजखान्थिजो जुजिनाय: कंग्रेस

गोदान दिल्ली, 4 सेप्टेम्बर: कंग्रेस आफादगिरि मालिकार्जुन खरो आरो आगुनि आफादगिरि राहुल गान्धीआ थांनाय मंगलबारखालि बेयाव अखिल भारतीय कंग्रेस कमिटी (एआइसिसि) नि गोदाने थिसनजानाय नेहाथारि आरो जुथाय सेक्रेटारिफोरजो लोगोसे जथुमा खालामो। देरसिन दैदेनगिरिआ बुंनाय बायदिल्ला, पार्टिनि दैदेनगिरिफोर बिजेपि-आरएसएसनि बोखावनाय राजखान्थिजो जुजिनांगोन आरो संबिजिनि रैखाथिनि थाखाय खामानि मावनांगोन। खरो आरो राहुलआ कंग्रेस मावख'याव दैदेनगिरिफोरजो लोगो हमो आरो फसंथानखो गोखों खालामो। लोगोसे पार्टिनि मान-सन्मान बां होनायनि सायाव बिनि फिन्नाय बियो। खरो ए एकसयाव होनाय मोनसे पस्टआव कंग्रेसआ साफ्रोम भारतयारिफोरनिमिस सौहैगोन होन्ना बुडे। बिथाड बुंवावयो, जो फसंथानखो गोखों खालामो, बरयनिबो बुंनाय बाथ्राफोरखो सोफादेरनो



आरो खुंथायनो सैथोनि आइना दिन्थिनो थाखाय थियारि। कंग्रेसनि गाहाड़ नेहाथारि आरो फसंथाननि बिबानगिरि केसि वेणुगपालआ बुडेदि, जो मोनसे गोहो जाय समाजआरि सोलायनायनि थाखाय खामानि मावयो आरो बिजेपिआ समाज बोखावनायनि खामानि मावयो।

## 'एक पेड़ मा के नाम' हाबाफारिनि गेजेरजो हादतनाडे 52 कौटि बिफां गायदों

गोदान दिल्ली, 4 सेप्टेम्बर: आबहावा सोलायनाय बायदि बोथोरारि सेलेन्सफोरनिफ्राय बुहुमखो रैखा खालामनो थाखाय 'एक पेड़ मा का नाम' जो हादतआव जायगायनाय बिफां गायनाय हाबाफारिया गिदिर जाफुसरोनो हादों। बे हाबाफारिनि गेजेरजो हादतआव दासिमाव गासै 52 कौटि बिफां गायखांवाय आरो बे हाबाफारिया आधिखालाव सेप्टेम्बरसिम सोलिगोन। मख'नो गोनादि, बे हाबाफारिनि गेजेरजो बे बोसोराव 80 कौटि बिफां गायनो थांखि लादों। गाहाड़ मन्थि नरेन्द्र मदिआ मुलुग आबहावा सान एबा 5 जुनआव बे हाबाफारिखो जागायदोमोन। बे समाव पिएम मदिआ गावनो फांसे बिफां गायदोंमोन। बेनि उनाव बे हाबाफारिया गासै रड्ज्योफोरव



सोलियो। गावबा-गावनि बिमाखो गोसो खानानै सुबुंफोर बे बिफां गायनाय हाबाफारियाव बाहागो लायो। बेनि गेजेरजो 3 दाननि गेजेरवनो हादतनाडे 52 कौटि बिफां गायनाय जायो। बे

हाबाफारियाव मिरु आरो रड्ज्यो सरकारफोरजो लोगोसे समाजारि फसंथानफोरबो गोबां बाहागो लादोंमोन। मिरुयारि हाग्रा आरो आबहावा मन्थि भुपेन्द्र यादभआ एक्सआव मंगलबारखालि बेनि खोरं होयो। मख'नो गोनादि, 'एक पेड़ मा के नाम' मुनि बे हाबाफारिनि गेजेरजो बे बोसोरनि सेप्टेम्बरसिमाव 80 कौटि नि बिथांखि लादों। मिरु आरो रड्ज्यो सरकार मोनैबो

बेयाव बाहागो लानायनि बाथ्रा बुंदों। बेनि अनगायैबो बे हाबाफारिजो लोगोसे बांसिनिकुड बांसिन सुबुंफोरनि लोब्बा लाखिनानै बांहोनो थाखाय आफादफोर, फसंथानफोर आरो हरिनि सायाव बिथा खालामग्राजो लोगोसे जायगानि आफादफोरखो बाहागो लानो बुंनाय जादों। बिफांखो गायनायजो लोगोसे जोथोन लानायनि सायावबो गाहायै नोजोर लाखिनाय जादों।

## सनितपुरनि रां गेना खालामनाय जाथायाव लोब्बा थानाय सा 9 दायनिगिरिखो हमबाय



तेजपुर, 4 सेप्टेम्बर: आसामनि सनितपुर जिल्लायाव फिन पेमेन्ट बैंक उजाला अमृत निधि लिमिटेड आरो ट्राइडिक्स ट्रेडि एप्लिकेशननि हेँथायै रां गेना खालामनायनि हेँथायै केस थिसन्दोमोन। बे मोन्थाम केस थिसन्नायनि उनाव पुलिसआ रां गेना खालामनायाव लोब्बा थाफानायनि दायव सा 9

सुबुंफोरखो ग्रेप्टर खालामो। गिबि केसखो तेजपुर पुलिस स्टेशनाव फिन पेमेन्ट बैंकनि हेँथायै थिसन्दोमोन। केस थिसन्नायनि उनाव पुलिसआ साबा सुबुंफोरखो ग्रेप्टर खालामो, जायफोरनि सिनायथिखो तेजपुरनि थागिबि चन्दना देवी, कमल कुमार कार्की, शान्ति देवी आरो ध्रुवा

बासफर मुडै सिनायथिदों, दन्दमारीनिफ्राय हेमन राभाखोबो ग्रेप्टर खालामो। राडपारा पुलिस स्टेशनाव उजाला अमृत निधि लिमिटेडनि हेँथायै आरोबाव मोनसे केस थिसनो, जायनि उनाव सानै सुबुंफोरखो ग्रेप्टर खालामो। ग्रेप्टर खालामजानाय सुबुंफोरनि सिनायथिखो राडपारानि थागिबिनि ब्रेजेन लिम्बु आरो चिन्मय साहनी मुडै सिनायथिदों। मिसामारि पुलिस स्टेशनाव ट्राइडिक्स ट्रेडि एप्लिकेशननि हेँथायै थामथि केस थिसन्दोमोन। अजद मोन्नायाव पुलिसा ठेकिजाजुलिनि थागिरि सेखुल इस्लाम आरो मिसामारिनि थागिरि आबुल खादिरखो ग्रेप्टर खालामनो हायो।

## नागालेन्डनि कहिमा आरो दिमापुरखो सरजाबग्रा एनएच-29 राजा-लामाखो बेखेवफिनबाय



कहिमा, 4 सेप्टेम्बर: शानायनि उनाव मंगलबार (3 सेप्टेम्बर) खालि दावबायनायनि थाखाय आबुडे बेखेवजाफिनबाय। मंगलबारखालि कहिमानिफ्राय थांनाय-फैनाय खालामनाय गारिफोरनि थाखाय वानवे दावबायग्रा लामाखो सोलिहोबाय। अदेबानि दावबायग्राफोनो राजा-लामानि फारनैबो सोलिनायाव

जोहा जोबोद गोजाम हरिमुयारि सोमोन्दो दड। थांनाय 2018 आव जोनि उदांखि सानखो भारतनि सुबुंफोरा दिनेबो गोगाथावै गोसोखाडे। सुलुनि बायदिल्ला मदिआ बुनेइनि सुलतान हाजि हसन अल-बलकै यानि इनभाइटेसन खालामनायाव बेयाव फेदों। दरने हादतपोरनि गेजेराव 2024 आव

कहिमा जिल्लानि खुंथाइया दावबायारिफोरखो गोहोम गोम्लैनाय बाहागोयाव गारि सालायनायखो सांथांथि लानो थाखाय बिथोन होदों। मानोना थासारिया दासिमबो जेना गोनां जानानै दड। गोबां अखा हानायनि उनाव हा गिसिखानाया 19 आगस्टआव मख'जाथाव राजा-लामाखो ब्लक खालामदोंमोन। कहिमा जिल्ला खुंथाया थाबैनो मोनसे दावबायनायखो फोसावनाय कहिमा आरो दिमापुरनि थागिबिफोरखो सायख'जाथाव लामाखो आजावना लानो बिथोन होदों।

## बेंगलआव आइजोफोरनि हेँथायै दायआ सोलिगासिनो थानायनि गेजेरावनो मडेलिं फसंथानाव फरायसाखो गाजि आखु दिन्थिदों

कलकाता, 4 सेप्टेम्बर: आइजो डाक्टरखो जिनाहारि खालामनाय आरो बुथारनायनि जाथायनि गेजेरावनो कलकातायाव मोनसे मडेलिं फसंथाननि बिगोमाखो सासे फरायसुलिनि सायाव गाजि आखु दिन्थिनायनि दायव पुलिसआ हमबाय। पुलिसआ बे फोरमार्यथिखो होदों। पुलिसआ बुंदोंदि, बि फरायसुलिया बावैसो



सिगां फसंथानआव मुं थिसन्दोमोन। सासे गागि मावख गिरिया बुंदोंदि, हरिदेवपुर पुलिस थानायाव बि फरायसुलिया होनाय अजदनि सायाव बिथा खालामनानै दायनिगिरिखो मंगलबारनि मोनाबिलियाव खानाय जादोंमोन। फरायसुलिया अजद होदोंदि, दायनिगिरिया बिथांजोखो गाजि आखु

दिन्थिदोंमोन जेव्ला बियो मंगलबारनि फुंआव फसंथानाव थादोंमोन। पुलिस मावख गिरिया फोरमायदोंदि, दायनिगिरिखो भारतयारि न्याय आयेन (बिएनएस) थारानि सिडव केस होनाय जादों आरो बिथांखो सोंथि सोनाया सोलिगासिनो दड होन्नाय मिबिथानाय जादों।

### AFFIDAVIT

I, **BHUBAN CHAUDHARY**, aged about 35 years, S/O- Late Narayan Chaudhary, a permanent resident of Village- Paschim Patgaon under P.O.- Patgaon, P.S.- Serfanguri, District- Kokrajhar, Assam, PIN-783346, do hereby solemnly affirm and declare as follows:-

- THAT, I am the bona-fide citizen of India by birth and the permanent resident of above noted address.
- THAT, my actual and correct name & surname is **BHUBAN CHAUDHARY**, which is recorded in my Aadhaar Card, vide Card No. 7155 8581 4515 and other and other relevant documents.
- THAT, in my Land Documents such as Jamabandi for Surveyed Village and etc. in respect of a plot of land, covered by Dag No. 117, 119, 122, 258 & 85 and Patta No. 14 of Village- Paschim Patgaon under Kokrajhar Revenue Circle, Dist.- Kokrajhar, Assam, wherein my name & surname has been recorded as **BHUSHAN CHAUDHARY** instead of my actual and correct name & surname **BHUBAN CHAUDHARY** as well as in the said Land Documents, my deceased father's name has also been recorded as **P. NARAYAN CHAUDHARY** instead of his actual and correct name **NARAYAN CHAUDHARY**.
- THAT, I do hereby declare that **BHUBAN CHAUDHARY** and **BHUSHAN CHAUDHARY** is the same and one identical person i.e. myself none other else.
- THAT, I further declare that **NARAYAN CHAUDHARY** and **P. NARAYAN CHAUDHARY** is the same and one identical person i.e. my deceased father none other else.
- THAT, I am swearing this affidavit to ascertain the above facts and to avoid the confusion regarding my name & surname and my deceased father's name & surname as well as rectification/correction as stated above and to produce the same before the concerning authority and doing needful accordingly. The above statements are true to the best of my knowledge, belief and information and nothing has been concealed therein.

Bhuban Chaudhary



## रजे

बिरखोदाव

अ' रजे  
नों बहा खारखोमा लांखो आंखो नागारना ?  
फैफिनदो रजे  
नोंखो नेनानै दं आं  
लैथोनि नैवे रुंगु जिडव ।  
अ' --- रजे-  
नोंहा मा लुबैनाय दंमोन ?  
नोंखो मोनो थाखाय  
लैथोनि बै मारुआव थानाय  
फामि बिबारखो नोंनो नांगोमोनब्ला  
गुवार लैथोखो सानस्रिनानैब्ला-  
लाबोना होफैगौमोन आं नोंनो ।  
नाथाय  
नों मानो आंखो नागर लांखो रजे  
आंनि जिडनि लामाखो खालामखो  
मानो नों बेले-बेजे ?  
बहा दं दा नों रजे, आंखो नागारना ?  
बहा मोनो दा रजे आं नोंखो ?  
हे, जोमै राजा इन्द्र  
नोंथ' बुहुमनि गासैखोबो नुजोबो  
आंनि रजेआ बहा दं  
आंनो रादाव होफै  
आंनि जिडखो गोजोनग्लाय होफै ।

## होनबावनो मा आं

होनबावनो नोंनि सिगांयाव मा आं  
मोनथिनो सोर आंनि दाहाखो दुखुखो  
सानो आं बावगारनो महरखो नोंनि  
मोनो नाथाय होबायनो आंखो दुखुनि मोदै ।  
नोंखो आं आंगोमोन लानो बजबनानै  
आंनि नाथाय जिडआव दुखुथिया मानोबा  
मोनो आं लाजिनाय मुगैनाय मानो  
आंनि मोदैनि थरथिसे दाहारखो मानोबा ।  
सुरनांखो मानोबा आं सुखु-दुखुनि हांमा  
आलारि बाधि अरायसमनि लानानै  
गुगुब हाथु खरायनानै "बाथो" बोरायनाव  
बोर बियो आं आफा "शिब" बोरायनाव ।  
गैया गोसो होनो बिसोरखो थैवबो  
सोरनोबा होदो दोन दौलर बिसोरबो  
होदो गरिब-गुन्द्रा सोरनिबा नखराव  
इसोराबो बेबायदिनो सिनाय मोनला गरिब गुन्द्रा ।  
गैयामोन एना-एनि सुबुं माहारि गेजेराव  
खोसेयाव थानायमोनब्ला सुबुं माहारिआव  
जिड खोमानांखे सोरबाबा आस 'खन्दा,  
जानानाय नडमोन थैनि बाना सोरबाबा ।  
बुथार जानाय नडमोन सोरबाबा नायगार नायगार  
जाथाय गैयामोनब्ला बेफोर बायदि-  
गासैबो सुबुंयानो बिदा-फंबाय, बिमा-बिफा  
सुख सान्थिडे रायजोजानाय बायदि नखरसेयाव ।  
मालायखो मुगै नाड बेफोरखो सानानै  
सोखारिनो नड, गुबुन हारिखो  
देरगानो नाड गावनि दोन दोलरखो लानानै  
बेफोरजादो दिने राजा, गावनि फोरजा ।  
गेलेनाय गासैबो इसोरनि माइआसो-  
रावबो रावखो खालाम नाड हेंथा हेसि  
मालाइनि जानाय थाखायखो दुसिनाड  
बयबो रावनिनो आंगो बिमा-बिफा ।  
रावबो नड, गावनि आंगो असे" -

मुस्रि मोकथां कुमार ब्रह्म  
दतमा गोजौसिन फरायसालि  
गामि - शामधरपारा ।

## जौनि गामि

समायना-रमायना बे मिथिगानि  
सोमखोर गोथां बे अरन बारियावनो  
जौनि न'ब'थि फसदों  
गय, खान्थाल-थाइजौनि ग्रोम-ग्रोम  
बै नुहरनायानो जौनि गामि ।  
मैदेर, मोसा, लखा, मोसो-मैसोनि आंगो लोगो  
बैसागुआ फेदों आरो थादों  
गामिनि सेंग्रा-सिखला, बोराय-बुरैया  
रंजा-बाजा बरायदों आरो हगार हरदों  
बोसोर सालियानि सुखु-दुखुखो बावगारदों  
बेसेबांआ आलो-आलो संसार  
जौनि गामिया  
गैया एना-एनि, सुश्रा-सुथि  
गोरोन्थि जादों सुद्रायदों  
बिखा मोनसेजोंनो गोबा फिन्दों  
बेफोरनो जौनि अरायथा गामि

मुस्रि मनजिद बसुमतारि  
बडाइगाव कलेज

## बर 'नि हारिमु

गोमालानो हमदोंसै बर 'नि हारिमु  
खोमालानो हमदोंसै दिने बर 'फोर  
गावसोरनि असे आसार-खान्थि ।  
दड' जोंहाबो जौनि हारिमु  
राव-हारिमु गान्नाय-जोमनाय  
बर' आरिमु गान्नाय-जोमनाय  
बर' हिन्जावनि अंगुबै सिनायथि महरै  
दड' जोंहाबो दख'ना आर 'नाइ ।  
नाथाय दिने सोरनिदि नोजेर नांखो  
मानोदि खोनो मोनलिया  
बर 'नि गामियाव इसानसालिनि रिखांनाय ।  
मानोदि गावनि अंगुबै हारिमुखो  
दिने जोंनो गुबुनो गथाइनो सानखो;  
गुबुना जौनि हारिमुखो मोजां मोन्दों  
जौनिफ्राय सेना गावसिनि खालामनो सान्दों ।  
बर 'आ गोसैसोनाय माहारिमोन  
जोंहा जौनि राव, हारिमु सिनायथि गैयामोन  
नाथाय दिने समजों लोगोसे  
गैया जोंहा जेनिबो आंखाल ।  
दाखोमाफिनसै बर' फिसाफोर  
दाखानाय गावसिनि हारिमु  
नडब्ला मुलुगाव फिन आन्दायनांगोन  
मानोना हारिमुआनो माहारिनि आयना ।

मिच सन्दना ईसलारी  
गामि-ध'रामारा  
इउ.एन. एकाडेमि कराझार

## आंनि जिडनि सल'

सिगां 'नमस्कार' लायो आं बर 'फोर  
अन्नाने खोनासं बाश्राखो नोंसोर  
गिदिर मानसिफ्रा लिरो जिड खौरां  
'उपाय' गैया लिराबा आंनिखो आं  
गुबुन मुड आंनि 'बिनोद' मेहरा  
टाउननि आं सासे गाहाय बेहरा  
आय आफा आरो समायना सानै बिनानाव  
रां-रुफा जुफिदों जोंहा खाफालाव ।  
मुड आयनि गयसि ब्रह्म चौधुरि  
दखना गिलिरखाय गानो शारी ।  
मेगनाव खजल आधिखव हाइहिल जुथा  
गुस्थियाव लिफस्टिक, खाफालाव फोथा ।  
सिनेमा नायनो मोनाब्ला जेब्लायबो नारा-नाथा  
आइजों आफा जों गैया इसेबो गोरोबनाय ।  
श्री थुका गरसिं ब्रह्म चौधुरि आफानि मु  
गाननाय द्रसआ काकि हाप- पेन गुसुं  
आफाआ स्कुलनि सासे इनसपेक्टर  
'घस' लानानै चाखिआ लाय-लाथर ।  
आयआनो न'नि गाहाय इदिरा गान्थी ।  
आफाया हाग्रा मायनि एम्पे गान्थी ।  
दानि मुगानि आं सासे आय-टु-डेट, ।  
मेगनाव गगलस ख र'आव मांखि हेट,  
ब्रै इंसि बेल्ट जिर जिर' जिर' सेमेन,  
मैदेर आयथिं टेरिकटन लंफेन ।  
सेहरा खट'थक 'चनि बाबा गिथाव-बाथाव, ।  
बावजाव खानायआव गैया थरथिसे थाव,  
मा गामि आरो' मा टउन-चहर  
जेरावबो नुगोन आंखो सान-हर ।  
बोसोराव सोलायो स्कुल गंथाम-गंभ्रै  
जि थाखोआवनो जाबाय 'पुस' बोसोरब्रै  
लजिडव थायो जों गासै साबा;  
क्लासआव नाथाय सानसेबो हाबा  
बोरमा अमा दाउ फरौ हांसो  
गामियाव खावहेयो जों जैरे गोसो ।  
लौं जा गेले थास उन्दु मिनि-रंजा  
जोंखो रावबो साला दानांजा ।  
जौनि गाहाय 'आडाशालि' नटरास  
जेब्लायबो जों बेवहायनो महाराज,  
भुटाननि एकस, -लु कस, -एकस, राम  
लौब्लासो मिथिगोन बेसे आराम  
बेलासेआ व नुगोन जोंखो फिल-फलां,  
पेचन सिनेमा हलाव आ लां फलां  
सोरबा सिखला जौनि से रजों थादों ?  
दासान इस बेखो जंखायनो बावदों  
गुबुन सेंग्राजों जोंहा पेट्टाड, फि मलिया  
मानोबा बिसोर जोंखो एसेबो सैया  
जौनि सान्नाय- हनाय मावनाय  
सोदोमश्रीनि मुगानि फासं बारनाय  
मिथिया जों हारिनि गावनि थानाय- थैनाय  
मोनब्लानो जाबाय जौनो जानाय-लौनाय  
मा लिरबावगोन आंनि जिड खौरां  
लिरनानै फोजोबनो हाया बाश्राया गोबां ।  
बेवनो दोनथ'नाय जाबाय सोरां-बारां ?

मुस्रि बिरकां बसुमतारि

## उदां बार उदां अखां गंसे

बिबारफोरा साजायो  
मिजिफोर बादि  
जेराव दं  
उदां बार  
उदां अखां गंसे ।

सबिराम बर'  
राबां, बागसा

## रंजालि गथ'फोरनि सौरा

## फोरोंगिरि

जौंथि आलारि नों जौनि खोमसि फेसालिनि  
लामा दिन्थिगिरि नों जौनि सैथो आगाननि,  
सोरानि लामा दिन्थिगिरि नों जौनि  
इयुन जौलैनि राहा होगिरि नों जौनि ।

बे माया मुलुगाव जेननाय-देरहानायनि दावहायाव  
मोनफोमबो आगाननि सोमोनाथाव मोगा-मोगियाव  
आवगायगोन जों गुन गोनां सोलेंथाइजों  
जुजिलांगोन जों नौनि होनाय गोहो बोलोजों ।

थासारिनि सोलायनाय मुलुगानि जौगासारनाय  
गावजों-गाव गियाननि बादायलायनाय,  
नोंनिनो होनाय थुलुगा आरो बोसोनथिजों  
फोजोंगोन जों गियाननि आलारि नौनि थुलुगाजों ।

फोरमायस' हाथै नौनि गियान होनाय  
सानथ्र हाथै सोदोबनि आंथि फोरोंनाय  
बावनो हाया जों नौनि बेसेन गोनां फोरोंनायखो  
खुलुमो जों दिनेनि बुब्बियाव नों फोरोंगिरिखो ।

जोंसार बसुमतारि  
गामि: 6नं सान्तिपुर ( गहपुर ),  
बिस्वनाथ

## सोरानि मुलुगाव फोरोंगिरि

गियाननि सोरां मुलुगाव  
जिडनि देरहासारनायखो मोनफुनो  
नाजायो जों सोलेंथाइनि दावहाजों ।

जेननाय-देरहानायनि दरखं मोखाडव  
खाबु लायो जों गुन गोनां सोलेंथाइखो  
बुधुमनो फोरोंगिरिनि मददथियाव ।

इयुन जिडनि लामा दिन्थिगिरि  
खोमसि लामानि सोरां होगिरि  
खुलुमो जों अराय जौनि फोरोंगिरिखो ।

मोनफोमबो थासारिनि मोगा-मोगियाव  
थुलुगा आरो हेफाजावखो नायगिरना  
आवगायो जों फोरोंगिरिनि बोसोनथिजों ।

सानथ्रहाथै सोदोबथिजों जोंखो फोरोंनाय  
जौनि रंगीथिखो बाख्खानाय  
बावनो हाया जों फोरोंगिरिनि फोरोंनाय ।

निजोम बर  
पश्चिम पानेरि, अदालगुरि

## ममबाथि

सुबुं माहारिनि जिडनि जोनोमनिफ्राय  
नोंनि लांफिननाय जिडनि जोबथि समसिन,  
मानसि महरै थाना थानाय जिडनि गोजोन लामानि  
दिन्थिग्रा इसोर बादि साथाम गुरु  
जोनोम गुरु, फोरोंगुरु आरो धोरोग गुरु ।  
जोनोमगुरुनिफ्राय जोनोमनि उनाव  
थाना थानायनि सोरां लामा दिन्थिनो  
गोनां गावगोनां सोलेंथाइनि राहा  
आसि थुना दिन्थिनो आरो फोरोंनो फोरोंगुरु ।  
गावनि बेसेन गोनां समजों लोगोसे  
गावखो बावसोमनानै, नाजाथावनानै  
फरायसाफोरखो गोमो आरो गोजौ थाखोसिम सहैनो  
सोरानि थसे जौलारि ममबाथि ।  
आंनि गुरै रेरुब आखायनि आसिखो  
नोंनि आखायजों हमफानानै  
गिदिनो रोडे; हाख 'थे सालायखो  
आंनि लोगो महरै गले-गले  
आसि थुयै थुयै फोरोंनो नाजाया बारा फोरोंगुरु ।  
मुलुगानि गासैखोबो मुथासे आखायाव दोत्रो  
नांगो जानाय थोजासे सोलेंथाय होनो  
थसे ममबाथि बादि सोरां होग्रा  
नोंसोरनो खुलुमजग्रा सिबिजग्रा  
आंगोनि आंगो गुरु फोरोंगुरु ।

निरन्जन बसुमतारि  
गामि: नतुन सनाफुर, गहपुर

## जिर जिर ल' हो दे

ओंखामखो दानो बियो  
जायालासे गारजोबगोन  
फिथिखा मोनलौनायखाय  
जिर जिर ल' हो दे

रैदोम बर', बाक्सा

## फोरोंगिरि बिसान

हायुनि ख'ना खन्ला फरायसालि फोराव  
अन्सायदों दिने गोथार सानाव,  
गियाननि सोरां रानना होग्रा  
सुबुं सोमफोद दाथायगिरिखो  
अन्सायदों गाजा गोमजायै  
दंनयमानि फरायसा फोरा ।

फोरोंगिरि मोनजेननाय समनिफ्राइ  
दिनेसिम मावबोदों फोरोंगुरुनि बिबान,  
नड नोडे लोरबां --  
गियाननि जौंथि रान गिरि  
सुबुं सोमफोद सोरजि गिरि ।

फोरोंगिरि - नौनि दुखु दाहाखो  
रावबो मिथिआ - मिथिजोबो नाजाया  
मेगनाव मोदै खुगायाव खदै लाना  
रसा नांहाव नांहाव मावलाडे  
फोरोंगिरिनि बिबानखो सिरि सिरि  
रावनिबो अजद गैया जासे ।

सोदोमसिजों आबु बुमिन गोनां समाज  
नोंनो सोदांनो हागौ --  
आरो बे समाजखो गुबुंरले  
सोरजिलु एबा सिलिखार ।

नोंनि रैसुमै खबामजों सोरजियो  
मोनसे बुमिनजों आबु समाज,  
नोंनि खुदिनायाव जायो अन्दरसि  
अखाड गाबो - हुगारो मेगन मोदै  
नोंनो सान अखाफोर समाजनि  
गियाननि जौंथि महर ।

नाथाय - एम.अ'.इ.उ.नि गोरोबथाया  
खालामबाय लान्दा खान्दा  
फोरोंगिरिनि आबुथिखो आरोराये --  
नोडे दिने दिन्दाइ आलाय जाबाय ।

अब्लाबो दैदेन लांनगोन समाजखो  
ड: सर्वपल्लि राधा कृष्णन आरो  
ड: राजेन्द्र प्रसाद मोन बादि  
अनफावर महर लाना,  
अब्लासो रसा नांहाबना फोरोंनाय  
बिमावाव बारगोन बिबार  
मोदोमफर मोदोमफर बिबार बारिआव ।

पवित्र ब्रत दैमारी  
गलाघाट

## बिदायनि अन्थोब

ना नोंनो बावनो हागोन  
ना आंनो बावलांगोन.....  
जाय दिनफोराव जों  
लोगोसेयै गुलि गुलि थायोमोन,  
बै दिनफोरानोथ' गोसोखाहोबाय थागोन ।  
ना माबा मोनसे सोदोंमोन  
ना माबा मोनसे बिदोंमोन.....  
नोंनोथ' गासैखोबो होजोबखादों,  
नोंनो सोरां नोंनो खोमसि  
नोंनो आलारि आंनि खोमसि जिडनि ।  
जेब्ला आं उन्दैमोन  
आंनि सिमांफोराबो फिसा थारमोन,  
जानो सानोमोन नों बादि  
गुनि गियानि गेदेर गोलाव  
नाथाय, बे सिमांखो मोनफुहैयामोन ।  
मिथियैखो मिथिहोनानै बुजियैखो बुजिहोनानै  
आंनि लाथिख' जिडखो.....  
नोंनोथ' आबुं खालामना होबाय,  
जायनि थाखाय नोंखो  
गोसोआव दोनबाय अरायनि थाखाय ।  
नोंनो सान नोंनो अखाफोर  
नोंनो हाथरखि, आंनि खोमसि अखांनि  
सोरां होबोबाय नों आंनो.....  
गासै जिडआव आगान सुरनो  
खोमसि - दरसि जिडआव सोरां लानो ।  
हे गुरु --  
माब्लाबा आं नोंखो  
गोरोन्थियाव दुखु होफलांबायब्ला  
माब्लाबा आं नोंखो  
सिबिनो रोडाखैब्ला.....  
निमाहा होदो गुरु नौनि सिबिसाखो ।  
सिबिलांबाय थागोन  
नोंनि होनाय बिहोमा,  
गोसोआव लाखिलांबाय थागोन  
नोंनि हरफानाय गियाननि सानसि.....  
अराय सम, अराय जिड, थैस'-थांस' ।

सनजुलि नाजारी  
गसाइगाव बि. एड. फरायसालिमा



( 1 बिलाइनफ्राय)

## सा-लक्षिमपुर नोगोरआव एमआरएफ आरो दाखोर-दालानिफ्राय कम्पस थियारि खालामग्रा बिथांखि बेखेवदों

गेजेरजों बिगियानारि महरै दाखोर-दालाफोरखौं गारुनो हागोन आरो बे बिथांखिया सा लक्षिमपुरनि थगिरिफोरखौं गोबां मुलाफ्फा मोनहोगोन। गिबि मन्थिआ बेनि उनावनो सा लक्षिमपुर नोगोर आफादआव लिगेसि वास्ट आरो नेमबादि दिहुन्नाय दाखोर-दालाफोरखौं फिन बाहायनायनि थाखाय सामलायथाय जायगाखौंनो नायसडो। मख'नो गोनांदि, चान्दामारि ओन्सोलाव बोसोर बोसोर नाडै जमा खालामनानै लाखिनाय दाखोर-दाला एवा लिगेसि वास्टनिफ्राय ओन्सोलाव उदां खालामनो थाखाय बे बिथांखिखौं मावफुं'बाय थानाय जादों। थानाय 40-45 बोसोरनाडै चान्दामारि ओन्सोलाव नोगोर आफादनि दाखोर-दाला गारुना जायगा महरै बाहायनाय जादोंमोन आरो बे दाखोर दालाफोरा सुमदेरि दैसाखौं फबनायजों लोगोसे गासै 4 हेक्टर हायाव गोसारदोंमोन। सा लक्षिमपुरआव लिगेसि वास्टखौं बोखानायनि थाखाय थांखि लानाया सुमरिदि दैसाखौं फोथांफिन्नायल' नडा, दैसाखौं फिन बोहैहोफिन्दों आरो बे गासै हाबाफारिया 16 बिघा हाखौं फिन बोखानाया हेफाजाब होदों। आथिखालाव बे हाखौं 'आबांन फरेस्ट काम आबांन रिट्टिक जनसिम' फोजौखानायनि थांखि लानाय जादों। मोनसे गोजोर आबहावानि थांखिजों 5.5 एकर हाखौं लाफानानै सोरजिनो गोनां नोगोरारि हाग्रा ओन्सोलाव आलादा सोलो बाहायनानै गायनाय जायगायारि जाथोनि बिफां, थावायनो आरो साइकेल सालायनायनि लामा गुदि राइज्योआरि खाबु, फुडकर्ट आरो गुबुन गुबुन माखासे जिरायग्रा खाबु थागोन। गिबि मन्थिआ बे नायसंनय समाव आबाद आरो जुनात फिसिथाय बायदि बिफाननि मन्थि आरो लक्षिमपुर जिल्लानि दिथागिरि मन्थि अतुल बरा, नख'र लुफुं'थाय आरो नोगोर जौगाखां परिक्रमा बिफाननि मन्थि अशक शिंहाल, एमएलए मानव डेका, न' लुफुं'थाय आरो नोगोर जौगाखां परिक्रमा बिफाननि कमिसनार नेहाथारि कबिता पद्यनाभनजों लोगोसे माखासे गोजौ थाखोनि बिबानगिरिफोरा बाहागो लाफेदों।

बेनि उनावनो गिबि मन्थिआ लक्षिमपुर जिल्लानि सावतिआव 22 बिघा हायाव लुजाबाय थानाय राइज्योआरि सिंनि बास थाग्राखौं नायसंफेनानै खामानिनि सिगांनयखौं मिबथिना लायो। गिबि मन्थिआ थिखानाय समनि गेजेराव खामानिखौं आबुं खालामनो नांजाबफा बिबानगिरिफोरखौं बिथन होयो। गुबुन फारसे गिबि मन्थिआ सा लक्षिमपुरखौं गेलेमुनि बिथिडाव सिगांलांनोनयनि थांखिजों सहराव लुजाबाय थानाय स्टेडियमखौंनो नायसंफेयो आरो खामानिनि सिगांनयखौं मिबथिनानै लानानै गुन गोनां लुनाय खामानिखौं रोखा खालामनो बिथोन होयो। बेनि अनगायैबो गिबि मन्थिआ दिने सबनशरि दैसानि सायाव सा लक्षिमपुर-घुनासुटिसिम फोनांजाब लामाजों लुजाबाय थानाय गाहाइ पाक्कानि दालानि खामानिखौंनो मिबथिना लाफेयो। गिबि मन्थिआ बिथांखिखौं जाहाथे सम थिखानाय महराव आबुं जायो बेनि थाखायबो नांगो बायदि बिथोन होयो। मख'नो गोनांदि, 2022 माइथायनि 16 डिसेम्बरआव बे बिथांखिनि अन्थाइ खाम्फाखौं गायसन्नाय जादोंमोन। गिबि मन्थिआ दिने ओन्सोलनि हान्था-मेला राहाखौं मोजां खालामनयनि थांखिजों नकारनि रडाजान लामायाव लुनाय रेल प्लाइअभारखौंनो नायगिदिफेयो आरो बिफाननि बिबानगिरिफोरजों फे प्लाइअभारनि खामानिखौं गोख्रै खालामनयनि थाखाय गुवारै सावरायलायो। गिबि मन्थिनि बे नायसंनय समाव आबाद आरो जुनात फिसिथाय बायदि बिफाननि मन्थि अथुल बरा, लेबार बायदि बिफाननि मन्थि सन्नय किसान, एमएलए मानव डेकाजों लोगोसेनो माखासे गोजौ थाखोनि बिबानगिरिफोर बाहागो लाफेदों।

बेनि उनावनो नुजाथिफेनाय खौरंगिरिफोरजों बाश्रा सावरायलायनाय समाव गिबि मन्थिआ बुंदोंदि, थांखिलाय लानाय 'आबांन फरेस्ट काम आबांन रिट्टिक जन बिथांखि' नि थाखाय आथिखालाव थानाय 16 बिघा हाजों लोगोसेनो उफ्रा महरै 10 बिघा हाखौं थिसनफनो नांजाबफा बिफानखौं बोसोन होयो। बिथाडा लोगोसे फोस्पायदोंदि, लक्षिमपुरआव लुजाबाय थानाय राइज्योआरि बास थाद'नायनि लुनाय खामानिखौं फेगो बोसोरनि आगस्ट दाननि गेजेराव आबुं खालामनयनि जागोन। बेनि अनगायैबो लुजाबाय थानाय लक्षिमपुर स्टेडियमनि गिबि मोनै थाखोनि खामानिया फेगो बोसोरनि आगस्ट दानाव लुफुंनयनि थांखि लादों। बिथाडा लोगोसे बुंदोंदि, लक्षिमपुरखौं लानानै जिल्लालाय जायफोर गुदि बिथायारि बिथांखिनि खामानिया सोलिगासिनो दड। बे बिथांखिनि खामानि सम थिखानायखौं मावफुंनो थाखाय नांजाबफा बिफानखौं बिथोन होनाय जादों। गिबि मन्थिआ लोगोसे बुंदोंदि, ब्रह्मपुत्रनि सा फारसेथिंजाय गिबियाव नुनो मोनै जौगाखानायखौं आगुआव माब्लाबाबो जायाखेमोन। बिथाडा लोगोसे बुंदोंदिमोनि, लक्षिमपुर फायसालिमाखौं मुलुगसोलोंसालिखौं फोजौखानाय, लक्षिमपुर मेडिकल कलेजआव गंसे नासि कलेज गोदाने जागाजेनानयनि बिथांखि लानाय जादों।

## बिटिआर क-अर्डिनसन कमिटिनि गुबुन गुबुन दोलो आफादफोरजों बिटिआरनि गाहाइ खुंगिरि प्रमद बर'आ गोनांथार जुथुम खुंदों

आरो फरायसा आफादनि मोन 22 आफादनि दैदेनगिरि मावफारियाफोर बाहागो लादों। मख'नो गोनांदि, जथुमाव समाजआरि, रांखान्थियारि, सोल्लोथाय आरो हारियारिनि जौगाखानाय आयदाफोरनि सायाव गुवारै सावरायलायनाय जायो। बे जथुमाव बाहागो लानानै खौरं बिजोनि सिगाडाव बिटिआरनि गाहाइ मावफुं सोद्रोमा प्रमद बर'आ गावखौं सासे फरायसा आफादनिफ्राय फेनाय होना मख'नानै गावमोफ्रमबो फरायसा आफादखौं मान होयो होना मिबथिहोनानै फरायसा आफादआव थानायनि थाखायनो गोब्राब समावबो मोजां लामाजों सिगांलांनो हादों होना बुडो। बिथाडा बुंदोंदि, बे हारियारि आफादफोरा गाव गावसोरनि रैखाथि, राव, हारिमुखौं रैखाथि होनो थाखाय सोमावसारबोदों। बेनि थाखायनो फरायसा आफादफोरा मोजाडै मिबथि मोनो गाव गावसिनि हारिनि गेजेराव मा मा जेना दड। बेनि थाखायनो दिनेनि जथुमाव गुबुन गुबुन हारिनि फरायसा आफादनिफ्राय गुबुन गुबुन जेनानि सोमोन्दै मोबथिनो लानाय जादों होना फोरमायो। जर'खायै बिटिआरनि हा-हुनि जेनानि सोमोन्दै गुवारै सावरायनाय जादों। बिथाडा बुंदोंदि, जों सरकारआव फेनायनि उनाव हा-हुनि जेनाखौं सुखानो नाजाबोदों। बिटिआरआव सोल्लोथायनि जेना जेरे- सिंगेल टिसारनि जेनाया आथिखालावबो दड। फोरोंगिरि थिसनानै बे जेनाखौं सुबुंनो नाजानाय जागोनबलाबो फराय आफादफोरजों बेनि सोमोन्दै सावरायनांगौ दड। बेनि अनगायैबो बड'लेण्ड ओन्सोलखौं गोजोन, खौरसेथि आरो थासारिखौं मोजाडै लाखिनो फरायसा आफादफोरजों सावरायलायनाय जायो। गुबैथै दिनेनि जथुमाव फरायसा आफादफोरा मख'नाय जेनाफोरखौं सुफुंनो जेथोन लानाय जागोन होना बिथाडा फोरमायना होयो। गुबुन फारसे, चिरांआव जिनाहारि जाथाय सोजिनयनि सोमोन्दै मिबथि मोना होना फिनजाथाय होना प्रमद बर'आ समाजआरि बिजोडाव गोनांथि नडै फोसावदिनायआ थासारिखौं गात्रि खालामो। समाजआरि बिजोडाव फोसावजानाय गासैबो फोरमायथिया सैथो नडा। टिभिनि खौरं बिजोडाव फोसावजानाय खौरंखौं सुबुंफोरा फोथायो नाथाय आथिखालाव समाजआरि बिजोडा ओरैबायदि जादों आखाइयाव स्मार्ट फन थायोब्लानो जानालिस्ट जादों। बेनि सोमोन्दैबो बिथाडा जथुमाव सावरायलायो। मख'नो गोनांदि, बिटिआरआव बुथारनाय, हिंसा, ड्रग्स, जुवा बायदिफोरनिफ्राय गोदान जोलैखौं रैखा खालामनो नाजानाय बे आयदानि सायाव जथुमाव सावरायलायनाय जायो। मख'नो गोनांदि, बिटिआरनि सासे मावफुं सोद्रोमा अरुप कुमार डेआ सासे सिखलाजों गनायथि जायै बाश्रा सावरायलायनाय गात्रि जाथायनि सोमोन्दै प्रमद बर'आ बुंदोंदि, बे आयदाखौं बिसोरनि हान्जाया राहा लोगोन। नाथाय गावबो गोनांथि होदों आरो आयदाखौं दोलोआरि महरै सावरायलायगोन होना मिबथिहोयो। गुबुन फारसे जथुमाव बाहागो लानानै एबसुनि आफादगिरि दिपेन बर'आ बुंदोंदि, दिने मोनवा गुबै आयदाखौं लानानै बिटिआर क-अर्डिनसन कमिटिआ बिटिआरनि गाहाइ मावफुं सोद्रोमा प्रमद बर'जों सावरायलायनाय जादों।

## सुने

मुख आनि सुने  
मोजाडैफोनाने  
रोंबोला जानो  
थावनायखौं लानो हागोन  
आरो  
रोडब्ला जानो  
खुगाया दोलाब जागोन ।।

निरमालि बर'  
गामि- सावकुसि, लानदांपारा  
जिल्ला - बाक्सा

( 1 बिलाइनफ्राय)

## बड'लेण्ड मुलुगसोलोंसालियाव श्रीमन्त शंकरदेबनि थैनाय सान फालिदों

लाथिख 'यावनो जों गासैबो जिबनि सोरजिगिरि आरो जों बयबो बेयावबो जोबखालांगोन। जों मोनसे आत्मा। बे आदर्सजों जुदि जों सिगांलांनो हायो अब्ला गेदेर-उन्दै गैथै गंसे समाज दाफुंनो हागोन।' बड'लेण्ड मुलुगसोलोंसालिनि असमीया बिफाना दिने खुंनय महरुपुप श्रीमन्त शंकरदेबनि थैनाय सानाव बे बाश्राखौं बुडो गाहाइ आलासि महरै बाहागो लानाय सरुपेयनि भबानिपुर हस्तिनापुर बजिनी फरायसालिमानि गोरारुं उ नयनज्यति दासआ। दिने महरुपुप श्रीमन्त शंकरदेबनि थैनाय सानजों लोब्ला लाखिनानै खुंनय आथिखालनि समाजारि आयदायाव शंकरदेव फरायसंनयनि सोमोन्दो गोनां आयदानि मोनसे जर'खा बिबुंथि होनाय हाबाफारियाव गाहाइ आलासि महरै बाहागो लानानै सोल्लोथाइगिरि उ नयनज्यति दासआ बुडोदि, सरकारनि गोदान सोल्लोथाइ खांथि 2020 नि बोसोन बायदिथै मोनथाम रावनि थांखि बेयो गुरुजनाआ 550 बोसोरनि सिगांनो होनांदों। अ,मीया, ब्रजावलि आरो संस्कृत। आइजोफोरनो समान मोन्थाय, इन्टार कास्ट हाबा बायदि सोलिनयखौंनो बै समावनो गुरुजनाआ गोनांथि होलांनया दिनेनि समाजनि थाखाय गोनांथार थांखि आरो सोमोन्दो गोनां होनानै बिथाडा बुडो। असमीया बिफाननि बिफान गाहाउ प्रफेसार उ सुवि कलिताआ दैदेनाय मेलाव गुबुन गुबुन बिफाननि फोरोंगिरि, मावफारिया आरो कक्राझारनि माखासे गागि सुबुंफोरा बाहागो लायो। बे हाबाफारियाव असमीया बिफाना खुंनय असमीया हारि दाफुंनयाव शंकरदेबनि बिफाव, आयदानि राइथाय लिस्नाय बादायलायनायनि बान्थाखौं रान्नानै होनाय जायो। मुलुगसोलोंसालिनि रैजिस्ट्रार उ सुबुं बसुमतारिआ आलारि बाथि फोजौनानै बेखेवनानै होनाय हाबाफारियाव गुबुन गुबुन बिफाननि फरायसाफोरा दिहानाम, थियनाम, घषनाम आरो बरगिन्त रेजाबनानै गुरुजनाखौं गोसोखांथियो। श्रीमन्त शंकरदेबनि आदर्सखौं लानानै गिबि खेबनि थाखाय बड'लेण्ड मुलुगसोलोंसालियाव शंकरदेबनि थैनाय सान फालिनयनि थाखाय सांग्रां नोगोरारिफोरा बाइस चेन्सेलर-रैजिस्ट्रारजों लोगोसे मुलुगसोलोंसालिनि नख'रसिम साबायख'र जासिहरो।

### चिरांआव बिटिसि खुंथायनि

### बान्जायनायाव जनता दरबार खुंदों

इडपिपिएल दोलोनि बिबानगिरिफोर बाहागो लायो। हरनि 1 रिगासिम सोलिनय बे जनता दरबारव ओन्सोलनि गुबुन गुबुन दोलो-आफादजों सावरायनानै बिसोरनिफ्राय लिस्नि अजदखौं आजावो। बे हाबाफारियाव बिटिसिनि गाहाइ मावफुं सोद्रोमा प्रमद बर'नि जानानै एमसिएलए आरो इडपिपिएलनि नेहाथारि माधव चेत्रिआ बुडोदि, सरसनस्त्रा राइजो-रजानि सार्थआव दरसे जौगाखां बिटिआर दाफुंनो थाखाय बे थांखिकौं आजावनाय जादों। चिरां जिल्लानि भारत-भुटान सिमनानि रुनिखाता ओन्सोलनि गासैबो राइजो-रजानि जौगाथायनि थाखाय बे थांखिखौं लानाय जादों होनानै खौरं बिजोनि गेजेरजों फोरमायो। बे हाबाफारियाव जिल्लानि बिजनीयाव हिन्दु-मुसलमाननि गेजेराव दावराव-दावसि सोमजिहोनो नाजानानै परस्टार सिथाबनयनि सोमोन्दै पुलिस खुंथायखौं थाबेनो नायबिजिनानै बे जाथायजों लोब्ला थानाय सुबुंफोरखौं हमानानै गोखों साजा होनो थाखाय खुंथायनिमिम खावलायहरो। गुबुन फारसैथि, फेगो बिटिसि बिसायख'थियाव गिबि मन्थि उ हिमन्त बिश्व शर्माआ बिजेपि दोलोया हारसिडे बिसायख'थि गेलेगोन होना फोसावनायनि उनाव बिटिआरआव इडपिपिएल आरो बिपिएफ दोलोया ज' जानानै खामानि मावलांनयनि बाश्राया सावरायजानायनि सोमोन्दै खौरंगिरिनि सौंथि सौंथायनि फिन्नायाव बिपिएफ दोलोया जुदि इडपिपिएल दोलोजों ज' जानानै खामानि मावनो नागिरदों अब्ला बेयो जेबो गात्रि बाश्रा नहा होनानै एमसिएलए माधव चेत्रिआ फोरमायो।

### महापुरुश श्रीमन्त शंकरदेबनि थैनाय सानखौं सा सालमारानि बिष्णुपुरजों लोगोसे साखाथियाव थानाय सत्रफोरवबो फालिदों

थानाय बिष्णुपुर सत्रनि साखाथियाव थानाय घरसिया सत्र आरो अभायापुरि सहरनि साहित्य सभा लामायाव थानाय अभायापुरि नामघर (सत्र) आव 455थि गुरुनि थैनाय सानखौं बायदि हाबाफारिजों फालिनय जादों। फारसेथि, बिष्णुपुर आरो घरसिया सत्रआव मोनाबिलि समाव जरखा समाज सिबियारि रुद्र पाठक देबनि गेजेरजों आलारि बाति फोजौनाय जायो होना मिबथिनय जायो। बे थैनाय सानखौं लोब्ला लानानै साहित्य सभा लामा आरो बायदि जायगानि गेजेरजों फुडाव भागबत दावबायनाय आरो फुं समाव धोरोमारि देखो दामनायनि हान्जा सुरनाया ओन्सोलखौं हरि हरि गोमखानायनायजों धोरोमारि मोन्दांथिहोदों होना अभायापुरि नामघर (सत्र) कमिटिनि आफादगिरि रुद्र पाठक देबआ फोरमायदों।

### फोरोंगिरिफोरा दिने फरायसाफोरनिल 'फोरोंगिरि नंला बिथांमोनहा

### हारि आरो हादत दानायनिबो फोरोंगुरु: अबित नार्जारी

हारि आरो हादत दानायनिबो फोरोंगुरु होनानै दाजाबदेरनानै बुबावो। हाबाफारियाव, दुलाराय बर' फरायसा आफादनि सुबुं फोनांजाब नेहाथारि बिरखां नार्जारीआबो बाहागो लानायजों लोगोसे कक्राझार जिल्ला एबसुनिफ्राय फारियै बुंथिगिरि मोगथां बसुमतारि, सुबुं फोनांजाब नेहाथारि हांगामा नार्जारी आरो सोल्लोथाइ नेहाथारि बिनय मोसाहारियाबो बाहागो लायो। मख'जायोदि, रामफलबिल दख'रा दुलाराय बर' फरायसा आफादआ देग्लाइ दख'रानि बेन्दोडव थानाय सा 300निबो बांसिन फोरोंगिरिफोरनि गेजेराव थाइगिरिगुरि गुदि फरायसालिनि गाहाइ फोरोंगिरि जया रानि बसुमतारीनो 4थि 'सोरानि साथि बान्था'खौं गथायो ।

### बडइगाव रिफाइनारि बिबानगिरिनि मावफारिया बेरेखा खान्थिनि हेंथायै अरायथा नडै मावफारिया आफादआ खुद्रिखादों

गोबां खेब लिस्नि अजद गथायनायनि उनावबो रिफाइनारि बिबानगिरिया जेबो राहा लायैनि अजद देखदों बडइगाव रिफाइनारि जथाय मावफारिया क'-अर्डिनसन कमिटिआ। दिने काजलगवावआव मोनसे खौरंगिरि मेल खुंनानै आफादआ बुडोदि, बडइगाव रिफाइनारि बिबानगिरिनि बे बायदि मावफारि बेरेखा खान्थिनि हेंथायै फेगो 13 सेप्टेम्बरनिफ्राय लांथिथ्यै सोमावसारनाय हाबाफारि फोसावनाय जागोन। पैगो 12 सेप्टेम्बरनि गेजेराव जुदि बडइगाव रिफाइनारि बिबानगिरिआ गावसोरनि मावफारि बेरेखा थान्थिखौं नागरनानै जेनाफोरखौं सुखानानै होया अब्ला फेगो 13 सेप्टेम्बरखालि बडइगाव रिफाइनारिनि गाहाइ हाबग्रा लामायाव 2 घन्टा सोमावसारनाय हाबाफारि, 19 सेप्टेम्बरखालि 4 घन्टा जिरायनानै सोमावसारनाय, 23 सेप्टेम्बरखालि मावबिबान दोनथ'नाय आरो 26 सेप्टेम्बरनिफ्राय 36 घन्टानि सरसनस्त्रा सोमावसारनाय बायदि हाबाफारि आजावगोन होनानै मावफारिया आपादआ हुमखि होयो।

### बिपिएफ-इडपिपिएलनि ज' जानाया बबेबा दोलोनि दावगानायखौं गिनानै नडा, थि राजखान्थियारि आबहावा गायसन्नो थाखाय जागोन: रोनगोरा नार्जारी

गोजोन थासारि गायसन्नो थाखाय मोननैबो ओन्सोलारि दोलोखौं ज' जानायकौं नागिरदों। बे बायदिथै बिसोरो मोननैबो दोलोखौं ज' जानो खावलायहरो। गुबुन फारसैथि, राइजो-राजा आरो माहारियारि आफादनि खावलायनायखौं हाग्रामा महिलारी दैदेनाय बिपिएफ आरो प्रमद बर' दैदेनाय इडपिपिएल दोलोया राइजोआरि महरै ज' जानायखौं जेबो रोखोमनि मान होयाखैब्लाबो अदेबानि मोननैबो हान्जाया बेखौं नेवसिगाराखै। बेनिखायनो राइजो-राजाफोरनि गेजेराव मोननैबो दोलोनि सिरियै थानायवाव मोनसे मिजिं सोरजिहोदों। गुबुन फारसैथि, बिपिएफ दोलोनि दैदेनगिरि दुर्गा दास बर'आ खौरं बिजोनि गेजेरजों बिजेपिनि दावगानायखौं जिगासिनानै बिटिसिनि मोननैबो दोलोया ज' जानो थाखाय मोननैबो दोलोनि आफाद दाफुंनय जादों होना बुंनयजों लोगोसे इडपिपिएल दोलोनि बिबानखौं एमपि रोनगोरा नार्जारी आरो बिपिएफनि दोलोनि बिबानखौं एमएलए रबिराम नार्जारीनो होनाय जादों होनानै बुंनयनि उनाव बड'लेण्डआव राजखान्थिया मोनसे गुबुन लामाजों दिंघ्रायलांनो हानायखौं नुनो मोन्दों। बे बिथिडाव एमपि रोनगोरा नार्जारीआ बुडोदि, दुर्गा दास बर'आ मा बिथायाव बे बिबुंथिखौं होदों बिथाडा मिथिया। बिथाडा बुडोदि, बे बिथिडाव जेबो मावख'यारि बिबान मोनाखै, नाथाय मानसिफोरनि गेजेराव सावरायजादों। लोगोसे सोर, मा बिथायाव बे बायदि बिथा गैथै खौरं गोसारहोदों बेखौं बिथाडा मिथिया होना बुंनानै राजखान्थियाव ज' जानाय आरो गावस्त्रालायनाया थायो। बेनिखायनो जुदि ज' जायो एब्ला बड'लेण्डनि थाखाय मोनसे मोजां खौरं होनानै बिथाडा फोरमायो। एमपि रोनगोरा नार्जारीआ बुडोदि, इडपिपिएल आरो बिपिएफआ दोलोया बड'लेण्डनि राइजो-राजाफोरजों दाफुंनय मोननै ओन्सोलारि दोलो। मोननैबो दोलोनि थांखि आरो नोजो बड'लेण्डनि फारफोमबो बिथिहाव जौगानाय आरो गोजोन थासारि जायसन्नाय। बे बिथिडाव राइजो-राजाफोरनि गेजेराव मोननैबो दोलोया ज' जानांथोनि सान्नाय-हनाया सावरायजादों। जर'खायै माहारियारि आफाद एबसुआ मोननैबो दोलोखौं ज' जानो थाखाय खावलायहरोदों। बेनिखायनो राइजो-राजा आरो माहारियारि दोलोनि खावलायहरनायखौं जों मान होनांगोन मानोनो जों राइजो-राजाफोरनि मानसि आरो राइजो-राजाफोरनि साजों थानो हाया होनानै बिथाडा बुडो। बेनि अनगायैबो बिथाडा बबेबा राजखान्थि दोलोनि दावगानायकौं गिनानै नडा राइजो-राजाफोरनि सान्नाय-हनायखौं मान होनानै आरो गोलाव समनि उनाव गोजोन थासारिखौं फेफिन्नाय बिटिसिआव मोनसे थि राजखान्थियारि आबहावा गायसन्नो आरो अरायथा गोजोन थासारिखौं लाखिलांनो थाखाय ज' जानो नागिरदों होनानै बुडो। बिथाडा बुडोदि, राइजो-राजाफोरा मोननैबो ओन्सोलारि दोलोखौं बेयाव नागिरदों बेनिखायनो जों जुदि राइजो-राजाफोरनि सिमांखौं मोकथां महर होनो हायो अब्ला बेनिखुइ गोजोनताव जेबो बाश्रा गैया। गुबुन फारसैथि, बिपिएफ दोलोनि गागि दैदेनगिरि आरो एमएलए रबिराम नार्जारीआ बे बिथिडाव जेबो रोखोमनि बिबुंथि होयाखै।

### उदालगुरिनि स'नाजुलियाव जल जीवन मिशनखौं लानानै मोननै हान्जानि गेजेराव दावसि थासारि

थाखाय गुबुन गुबुन दैमा-दैसा, जाम्फे, दैखरनि गुबुंले दै लॉनो गोनां जादोंमोन बे ओन्सोलनि राउजो-राजाफोरा। 2017 माइथायनि अक्टबर दानाव उदालगुरि जिल्लानि 33 नं नने सेरफां बिटिसि बियाबनि सिडव थानाय 2 नं स'नाजुलि गामियाव तंला दै सम्पद बिफाननि सिडव जल जीवन मिशननिफ्राय मोनसे गोगो लॉग्रा दैनि बिथांखि मोनो हादोंमोन। 2 नं स'नाजुलि गामिनि 1 नं दैनि टेंकखौं लुफुंनो सरकारि जायगा गैथैनि थाखाय गामिनिनो फजजुर आहमेद मुनि सुबुड राइजो-राजानो एसे हा दान होदोंमोन। गासै 7 बोसोर बिथांखिनि गासैबो खामानिफोरखौं सम बायदिथै सालायलांदोंमोन फजजुर आहमेद मुनि सुबुड। माखासे दान सिगां हा बिगोमा फजजुर आहमेद आरो गामिनि राइजो-राजाफोरनि गेजेराव एना-एनि सोमजिनयनि उननिफ्रायनो गामिनि गं 37 नख'रखौं गोगो लॉग्रा दैनिफ्राय जानगाराव दोनबोनयनि अजद देखदों राइजो-राजाफोरा। गामिनि राइजो-राजाफोरा अजद देखदोंनाय बायदिब्ला फजजुरआ बिथांखिनिफ्राय दै लाबोनो थान्त्ला बायदि रोखोसै सोंखारिना हरो। दै लायनायखौं बन्द खालमनयनि अनगायैबो राइजोआरि हाबाफारि इडनि समाव दै जगायै, सोरनिवा नख'राव सोखाफोर थैब्ला सारादुनि समाव दै होया। गुबुन फारसैथि, बिथांखिनि मोखाडाव गय फुलिजों लोगोसे बायदि रोखोमनि बिफां फुलि गायनानै लामाखौं बन्द' खालामनानै होदों। गुबैथै गोगो लॉग्रा दैनिफ्राय समाजखौं जानगाराव दोनबोदों। जोबथारनायाव रगा गैथै जानानै गामिनि राइजो-राजाफोरा तंला दै फुंखा बिफाननि एस अ नगेन्द्र भारतिखौं जाथायनि बागै फोरमायनानै होनायाव बिथाडा जेनाखौं बोखानानै होयो।


### गिबि मन्थिआ राइजो-राजाफोरनि जेनाखौं सुस्त्रानायाव गोनांथि होयालासेनो गावनि फेलें जानायखौं दोनखोमानायनि राजखान्थि खालामदों: गौरभ गै

खुद्रिखानाय फोरमायनानै एमपि गैआ साइबर क्राइमखौं होबथानो जैरेबायदि सांग्रांथियारि हाबाफारिनिफ्राय लानानै गुबुन गुबुन थांखिफोरखौं लानांगोमोन आसाम सरकारा बे बायदि थांखि लानो हायाखै होनानै फोरमायो। गुबुन फारसैथि, एमपि गौरभ गैआ गिबि मन्थि उ हिमन्त बिश्व शर्मानि सायाव खुद्रिखाडो। बिथाडा बुडोदि, राइज्योनि रांखान्थियारि थासारिया मोजां नडा, आसामाव दायगोनां जाथायफोरा बांबोनो हमदों। आथिखालनि सरकारा राइजो-राजाफोरनि गाहाइ जेनाखौं सुस्त्रा लासेनो गावस्त्रालायनाय सोमजिहोनायाव गोसो होदों। गिबि मन्थि राइजो-राजाफोरनि जेनाखौं सुस्त्रानाया गोसो होया लासिनो गावनि फेलें जानायखौं दोनखोमानो राजखान्थि खालामदों होनानै गौरभ गैआ फोरमायो।



## सनि टिभियाव 'आपका अपना जाकिर'जों लोगोसे मोनै स्व'आबो थाबैनो अन एयार जानो हासिगौ

गात्रि टिआरपिन गेजेरजों सनि टिभिन कमेडि स्व' 'आपका अपना जाकिर' आ अफ एयार जागासिनो दड। अदेबानि बे स्व'नि मोन 6 एपिसडआ अन एयार जादों आरो दासिमबो मोन 6 एपिसडनि बेंकआ मेकारसिन आखायावो दड। खालि 'आपका अपना जाकिर'ल' नड नाथाय दान मोनसे सिगां जागायनाय आरोबाव मोनै गिदिर टिभि सिरियाल पुकार और जुबलि टिकिजखौ लानानैबो चेनेलनआ मोनसे मख'जाथाव थांखि लादों। थारैनो बे मोन्थामबो स्व'आ अफ एयार जानो हासिगौ। जाकिर खाननि स्व'आव दासिम रज कुमार रन, श्रद्धा कापुरनिफ्राय लानानै जन आब्राहम, शर्बरी बाध, रागभ



जुयाल मोनबायदि माखासे सेलिब्रिटिफोराबो बाहागो लाफैखांबाय। नाथाय माखासे सेलिब्रिटिफोरजों लोगोसे बिथांआ जाय एपिसदखौ शूट खालामदों, बेयो दासिमबो सनि टिभियाव अन एयार जायाखै। बबेखानि, चेनेलनिफ्राय जाकिर

खाननि स्व'खौ थाबैनो टर्मिनेट खालामनो थांखि लादोंब्लाबो, नाथाय प्रडाक्शननि आखायाव आद्रा थानाय मोन 6 बेंक एपिसडआ अन एयार जानायनि उनाव 22 सेप्टेम्बरनिफ्राय बे

स्व'खौ अफ एयार खालामनो हासिगौ। चेनेलनिफ्राय 7 सेप्टेम्बरआव अन एयार जानो गोनां एपिसडनि टिजारखौबो फोसावबाय। बे एपिसडआव सनु सुदआ जाकिरजों लोगोसे

मोगा-मोगि जागोन। पुकार और जुबलि टिकिजखौबो चेनेलनिफ्राय दान मोनसेनि सम होनाय जादों। बे मोनैबो स्व'नि जोबथा एपिसडआ 27 सेप्टेम्बरआव अन एयार जागोन। बे स्व'आ सेप्टेम्बरआव पेकआप जानायनि उनाव फिन सनि टिभिनफ्राय आपका अपना जाकिर, पुकार और जुबलिन जायगायाव मोन 3 गोदान स्व'खौ लन्व खालामनाय जागोन। आधिखालाव बे मोन्थाम स्व'आ बबे बबेआ जागोन बेयो दासिमबो थि जायाखै। नाथाय आधिखालाव चेनेलनिफ्राय टिभि स्व' आरो रिप्लिटि स्व मोनैनिबो रिवेम्पनि सायाव खामानिया सोलिगासिनो दड।

## कानाडानि मुंदांखा देंखोगिरि ब्रायन एडाम्सआ डिसेम्बरआव शिलंआव फैंगोन



मेघालयनि गाहाइ मन्थि कनराड के सांमाया बुंदोंदि, कानाडानि देंखो रोजाबगिरि आरो मिउजिसियन ब्रायन एडाम्सआ सोलिफु बोसोरानि फैंगौ 10 डिसेम्बरआव रइज्योन राजथावनि शिलंनि पल' ग्राउन्डआव दिन्थिनो थाखाय थाग-थियायि जाबाय। मोनसे सशेल मिडिया पस्टआव गिबि मन्थि सांमाया बुंदोंदि, नोंथांमोनो बेखौनो मिबथिनो सान्दोंदि, ब्रायन एडाम्सआ फैंगौ 10 डिसेम्बरआव जेएन स्टेडियमआव भारतनि र'क राजथावनि शिलंआव फैंगोन। गाहाइ मन्थि सांमाया बुंबावोदि, मेघालयनि सुबुंफोर संगितखौ मोजां मोनो। बे संगितनि हाबाफारिया मोजां मोन्यायनि मोनसे गुबै फोरमान। बेयो मेघालयआव मुंदांखा देंखोगिरिनि गिबि दिन्थिफुफैनाय जागोन। नब पुनर्निभित जे एन स्टेडियमनि पल' ग्राउन्डआव 30 रोजानिखुइ बांसिन सुबुंफोर जिरायनो हागोन। 1991 माइथायाव बिथाड 'एभिथि आइ डु' देंखोखौ रिलिज खालामदोंमोन। 'आइ डु इड फर इड' बे देंखोया गासै मोन 19 हादतआव नाम्बर 1 जादोंमोन, जेराव इडकेआव लांथ्रियै 16 सप्ताहसिम सोलिबाय थादों। बिथाड मोन 20 'जुन' बान्था' बो मोनो हादोंमोन। सावथुनफोरनि थाखाय देंखो लिरिगिरिनि थाखाय मोनबा गल्डेन ग्लब एवार्ड आरो मोन्थाम एकाडेमि एवार्डनि थाखाय ब्रायन एडाम्सखौ हलिउड वाक अफ फेम, कानाडानि वाक अफ फेम, कानाडियन ब्रडकास्ट हल अफ फेमआव बाहागो लाहोनाय जादोंमोन।

## आसामनि दावबायारि थिएटरआव जाब्रबथायजों सानै सुबुं जोखोम जादों



मोनसे सोमोनांथाव जाथायाव आसामनि दावबायारि थिएटरफोराव रैखाथि नेमखाथिनि सोमोन्दे गोब्राब जेनाया नुजाधिदों। शनिबार मोनाबिलियाव पाटशालानि आह्वाहन थिएटरआव मोनसे दिन्थिफुनायनि गेजेरजों पटका गावनाय बेरफुनायाव सानै सुबुंखो जोखोम जादों। बे बेरफुनाय जाथाया जेब्ला असमीया फावखुंनि प्रस्तति पराशरआ बाइकआव गाखोनो नागिरो

अब्ला जादोंमोन। नाथाय खाफालगात्रि पटका गावग्रा मेसिनआ गात्रि जादोंमोन, जायनि जाहोनाव मोनसे गिखंथाव बेरफुनाय जायो। बे बेरफुनाय जाथायाव 36 बोसोर बैसोनि जनालि कलिता आरो सासे देरफुनाय हौवास निशान्त दासआ गोब्राबे जोखोम जादों। सानै जोखोम जानाय सुबुंखौ थाबैनो फाहामथायनि थाखाय पाटशालानि सतिश शर्मा मेमरियल देहा फाहामसालियाव

लानाय जादोंमोन। बेयो गिबि खेब जानाय नड जे आसामनि दावबायारि थिएटरनि दिन्थिफुनाय बेबायदि गिखंथाव जाथाय जादों। माखासे सान सिगांबो मोनसे भावथिना दिन्थिनायनि समाव बे बायदिनो जाथाय जादोंमोन। फावखुंनुर जतिन बराया मोनसे साहस गोनां स्तान खालामनायनि गेजेरजों मटरसाइके लनिफ्राय गोर्लेंदोंमोन आरो जोखोम जादोंमोन। मोनसे गुबुन

गुवाहटी, 4 सेप्टेम्बर: भारतआरि हौवा क्रिकेट हान्जानि गाहाइ कच गौतम गम्भिरआ मैया 3 सेप्टेम्बरखालि गुवाहटीनि निलाचल हजोयाव थानाय बिमा कामाखा मन्दिशव सिबिनो थाखाय दावबाय फैंगो। कामाखा मन्दिशव नुजाथि ह्याय लोगो-लोगोनो बारा' क्रिकेटगेलिगि आरो गाहाइ कच गौतम गम्भिरखौ फुजारिमेर कुंठुयैबगयो आरो बिथिनो मन्दिनि लामाखौ दिन्थिनानै होयो। मन्दिशव थानाय समाव गम्भिरखौ रैखाथि हान्जानि बेंखनानै लादोंमोन।

भारतआरि क्रिकेट हान्जानि गाहाइ कच गौतम गम्भिरआ कामाखा मन्दिशव दावबाय फैंगों

## गाहाम देहानि राहा

जुदि नोंथाड गोबाव समसिम फिट आरो गोगो देहायै थानो लुबैयोब्ला मोजां हुदाफोरखौ आजावनानै लानांगोन

गोगो देहाजों थानानै थानो थाखाय थि समाव आदार जानाया जोबोद गोनांथार। ब्रेकफास्ट, सानजौफुनि जानाय आरो हरनि जानाया जोंखौ गोगो देहा गोनां खालामनायाव गोनांथार बिफाव लायो। जों माल्ला आरो मा जायो, बेयो जोंनि देहायाव गोथौ गोहोम खोख्लैयो। ज'रखायै हरनि जानाया देहायाव थोंजों गोहोम खोख्लैयो। हरनि जानायनि उनाव जानायजों लोगोसे नों मा खालामो बेयो आरोबाव गोनांसिन। जुदि नोंथाड आबुं पुष्टिगोनां हरनि ओंखाम जाखानायनि उनावनो उन्दुयो, अब्ला बेयो नोंथांनि लिरथाय खमायनाय दावबायनायखौ जेना खालामगोन। लोगोसे बेयो गोबां गुबुन जेनाफोरबो सोमजिहोनो हागौ। बिनिखायनो, आदारजों लोगोसे हरनि जानायनि उनाव हाबाफारिफोरा जोबोद गोनां, मानोना बेफोर देहानि मेटबलिज्म आरो जाग्रा गोहोखौ बांहोयो, लिरथाय खमायनायाव मदद खालामो आरो जेब्लाबो नोंखौ गोगो देहा गोनां थानायाव मदद खालामो। बेबादि थासारियाव, दिनें बे लिरबिदांआव, जों नोंथांनो बेबादि माखासे हुदाफोरखौ आजावना लानो हागोन, जाय नोंथांखौ हरनि जानायनि उनाव जेब्लाबो गोगो देहा लाखिगोन।




थाबायनांगौ। बेयो थैनि खारसारथिखौ साबसिन खालामो, केलरिखौ बारयो, इन्सुलिननि थाखोखौ बाडइ खालामो, मेटाबलिज्मखौ बांहोयो आरो देहायाव मेजेमखौ दोनथुमनायखौ होबथायो। लोगोसे गावनि आंगो लोगोफोरजों थाबायनाय समाव साननि माखासे बाभ्राफोरखौ शेयार खालामनो हायो, जाय गोसोआरि मेंनायखौबो खारहोयो। गुदुं दै लों:- हरनि आदार जानायनि 30 मिनिट उनाव गुदुं दै लों। बेयो आदारखौ दोगोन खालामनाय आरो बेनिफ्राय जाग्रा आदारखौ हजम खालामनायाव मदद खालामो। बेयो डाइजेस्टिभ सिस्टिमखौ मोजाडै खामानि मावहोयो। ब्रास:- हरनि जानायनि खावसे घन्टानि उनाव गावनि हाथाइखौ ब्रास खालाम आरो बिनि उनाव जेबो दाजा। बेयो केबिटिसनि खौ फोदिनिफ्राय बारग'यो, प्लेकखौ बोखारो आरो खुगानि गोगोथिखौ साबसिन खालामो। 10 मिनिटनि थाखाय

साखोन-सिखोन सि-जोम गान। उदैयाव गोरा जि-जोम थायोब्ला एसिडिटी एबा बिखा खामनायनि जाहोन जानो हागौ आरो बिसोरखौ उन्दुनायाव गोजोन गैयै मोनहोनो हागौ। बिनिखायनो, साखोन-सिखोन सि-जोम गान्नाया देहाखौ देहायारि आरो गोसोआरि महरै सुखु होयो। हरयाव फिथाइ जानो नाड:- माखासे सुबुंफोरा सानोदि फि थाइ-सामथाइफोरा। मोनफ्रोमबो थासारियाव देहानि गोनां, नाथाय सैथोआ बेनोदि मोनानि आदार जाखानायनि उनाव फिथाइ-सामथाइफोरखौ जानो नाड। बेफोर हजम खालामनायाव गोहोम खोख्लैयो आरो बेयाव थानाय सिनिआ हरनि जानायनि उनाव सिनिखौ बांहोनो हागौ। हरनि ओंखाम जाखानायनि उनाव फिथाइ-सामथाइ जायोब्ला देहाया बेखौ मोजाडै हजम खालामनो हाया जायो, बेखायनो बेफोर बोसोनफोरखौ फालिनाया जोबोरैनो गोनां।

## 1984 आव जितेन्द्रनि 'तोहफा' सावथुना अमिताभ, धर्मेन्द्र आरो राजेश खान्नानि फिल्मखौ जेनायाव खोख्लैदोंमोन

अमिताभ बच्चन आरो धर्मेन्द्र बायदि फावखुंनुरमोनखौ हिन्दि सावथुन मुलुगाव बयनिखुइ देरसिन फावगिरिफोरनि गेजेराव सानजायो। अदेबानि राजेश खान्नाखौ बलिउडनि गिबि सुपारस्टर होना बुनाय जायो। नाथाय बोसोरसेया औरैबायदि जादों जेब्ला बिसोर गासिबो सुपारस्टरनि स्टरडमआ जोबोद गात्रि जादोंमोन आरो जितेन्द्रया बेफोर गासिमबोनि सायाव दोहौ सोमजिहोदोंमोन। बेयो 1984 माइथायमोन। बै बोसोराव रिलिज जानाय जितेन्द्रनि सावथुन 'तोहफा'या बक्स अफिसआव दोहौ सोमजिहोदोंमोन आरो बै बोसोरनि बयनिखुइ बांसिन रं आरजिनो हानाय सावथुन जादोंमोन। बोसोरावनो



अमिताभ, धर्मेन्द्र आरो राजेश खान्ना, बयनिबो सावथुना जितेन्द्रनि 'तोहफा' सावथुननि सिगाडव गालिन्दोंमोन एबा जाफुंसारे जादोंमोन। 1984 माइथायाव रिलिज जानाय सावथुन 'तोहफा' नि डायरेक्शनखौ कवेलामुडि रधवेन्द्र रावआ खालामदोंमोन।

जितेन्द्रजों लोगोसे जया प्रदा आरो श्रिदेवीआ बे सावथुनाव लिड रलआव दंमोन। बै समाव सावथुना बक्स अफिसआव 9 कौटिं रं आरजिदोंमोन, जायखौ आधिखालाव 140 कौटिं रंजों समान मानियो। सावथुनाव सानै बिब' बिनानावनि सल'खौ दिन्थिनाय जादों आरो बिसोरो

सासे हौवाखौनो सानैबो मोजां मोनोमोन। जितेन्द्रनि 'तोहफा' सावथुननि अनगायैबो बे बोसोराव अमिताभ बच्चननि सावथुन शराबिआबो रिलिज जादोंमोन। जया प्रदा आरो अमिताभनि बे सावथुनखौबो सुबुंफोरा जोबोद अन्साइदोंमोन।

## भारतआरि क्रिकेट हान्जानि गाहाइ कच गौतम गम्भिरआ कामाखा मन्दिशव दावबाय फैंगों

भारतआरि क्रिकेट हान्जानि गाहाइ कच गौतम गम्भिरआ कामाखा मन्दिशव दावबाय फैंगों



बारा' क्रिकेट गेलिगिआ बिमा कामाखाखौ पुजिनानै बोर लायो। श्रीलंकायाव दावबायहैनायनि उनाव भारतआरि क्रिकेट हान्जानि हारिमायारि क्रिकेटनिफ्राय दानसेनि थाखाय जिरायथ'नायनि समाव बिथाड कामाखा मन्दिशव दावबायफैंगो। फैंगौ 19 सेप्टेम्बरआव चेनाइआव जागायजेनो गोनां बांलादेशनि ह्यैथै भारतआरि क्रिकेट हान्जानि मोननै मेचनि छेस्ट सिरिजनि सिगां गौतम गम्भिरआ आसामाव दावबाय फैंगानै बिमा कामाखा मन्दिशव पुजिफैंगो।







## गाहाइ मन्थ्रि मदिआ बुनेइनिफ्राय चीननो मोनसे गोखों खौरां होदों आरो एक्ट इस्ट पलिसिनि सायावबो मोनसे जर 'खा खौरां होदों

गोदान दिल्ली, 4 सेप्टेम्बर: गाहाइ मन्थ्रि नरेन्द्र मदिआ बुधबाराव सुल्तान हाजी हसनल बलकियाजों मोनसे द्विपक्षीय सावरायदोंमोन। गाहाइ मन्थ्रिआ बुदोंमोनदि, जों गावजों गाव सोमोन्दोनि 40 बोसोर फालिनाय समाव मोनै हारदरनि गेजेराव लोगोनि बिथाया गेदेमा हारिमुआरि दोरोंफोर। बे समावनो गाहाइ मन्थ्रिआबो इसारा होनानै चीनखों सोंखारिदोंमोन। बुनेइआ भारतनि एक्ट इस्ट पलिसि आरो इन्ड-पेसिफिक नोजोरनि मोनसे गोनांथार बाहागोआरि, जाय जोंनि थाखाय मोनसे गोजों इयुनि बानसनाय। जों गावजों गावनि सोमोन्दोखों मान होयो। आं फोथायोदि, आंनि दावबायनाय आरो जोंनि सावरायनाया फैबाय थानाय समनि थाखाय जोंनि सोमोन्दोखों मोनसे सोलोआरि दिथा होगोन। गाहाइ मन्थ्रिया इसारा होनानै चीननो मोनसे



गोखों खौरां होदोंमोन। मदिआ बुदोंमोनदि, भारतआ जौगालु खार्थिखी मदत होयो, फेहेरथायबादखों नख, नाथाय मोनसेबो हारदरनि मुं लायाखै। बुनेइआ खोला चीन लैथोनि खोलायाव दड, जाय फ्राय आबुडै बेइजिंजों दाबि खालामजानाय। मदिआ बेखोंबो बुदोंमोनदि, भारतआ लैथोनि आयेनि सायाव जुथाइ हायुआरि जथुमा बायदि गेजेर हायुआरि

आयेनफोरनि सिडव नेभिगेशन आरो अभापलाइटनि उदासिखी मदत होयो, जाय मुलुगनां लैथोआरि नेभिगेशननि थाखाय मोनसे फ्रेमवर्क होयो आरो लैथोआरि फुंखाफोरनि बाहायनायखों सामलायो। आं नोंथां आरो गासै राजफोलेरनि नख 'रनो नोंथांखी गोसो गोबोंजों बरायनाय आरो आलासि सिबिनायनि थाखाय गोसो गोबोंनिफ्राय साबायखर बाउहरो। आं, 140

कौटि भारतयारिफोरनि जानानै नोंथां आरो बुनेइनि सुबुंफोरनो उदासिनि 40थि बोसोररि सानाव गहाम हामलायथि बावहरो। सानैबो दैदेनगिरिफोरा रैखाथि, फालांगि आरो रां थिसननाय, गोहो, अखांमा बिरोंदामिन, सावस्ति आरो गोहो बानायनाय, हारिमु आरो सुबुंफोरजों सोमोन्दो लाखिनाय बायदि गोबां आयदाफोरनि सायावबो सावरायदोंमोन।

## बांलादेशनि हेंथायै गेलेनो गोनां सिरिजनि थाखाय सा 15 गेलेगिरिफोरनि मुडा रोखा जाबाय



गोदान दिल्ली, 4 सेप्टेम्बर: भारतनि क्रिकेट हान्जाया फैगौ 19 सेप्टेम्बरनिफ्राय बांलादेशनि हेंथायै मोननै टेस्ट सिरिज गेलेनाया जागायगोन। केप्टेन रहित शर्मानि दैदेनाय हान्जाया थांनय मार्च दाननि उनाव गिबि खेब टेस्ट मेच गेलेनो फोथायाव ओंखारोन। थांनय फेबुवारी-मार्च दानआव भारतनि हान्जाया इलेन्डखों 4-1 जों सिरिजआव

फेजेनो हारदोंमोन। बेराफासं बांलादेशनि हान्जाया पाकिस्ताननि हेंथायै जारिमिनआरि सिरिज देरहानायनि उनाव भारतनि हेंथायै गेलेनो थियायारि। बांलादेशआ पाकिस्तानखों 2-0 जों फेजेनो हारदोंमोन। बांलादेशनि हेंथायै गेलेनो गोनां सिरिजनि थाखाय बिसिसिआइआ फै गौ सप्ताहआव भारतनि

गेलेगिरिफोरनि मुंखों फोसावगोन आरो हान्जायाव माखासे गेलेगिरिफोरखों सोलाय-सोल' खालामनाय नुनो मोनगोन। गोदान हेड कच गौतम गम्भोरनि हान्जाया माखासे टेस्ट सिरिज गेलेगोन। मिबथिनाय बायदिब्ला, 5 सेप्टेम्बरनिफ्राय जागायनो गोनां दिलीप टूफीनि गिबि रउन्डनि दिन्थिफुं नाय हान्जानि

सेलेक्सनआव बांसिनै नोजोर लाखिनाय नख। इलेन्डनि हेंथायै टेस्ट सिरिजआव गेलेनाय बांसिन गेलेगिरिफोर बे खेबआव बांसिन खाबु मोनारनि आसा दड। बेराफासं भिराट कहलिआ जानुवारीनि उनाव गिबि खेब टेस्ट गेलेनो ओंखारदों। अपेनिनि बिबानआ केप्टेन रहित शर्मा आरो यशस्वी जायस्वालनि जागोन। इलेन्डनि हेंथायै गेलेनाय सर्फराज खानआवो फिन खेबसेबाव खाबु मोनो हागौ। स्पीनारनि बेलायाव रबिचन्द्रन आस्वीन, रबिन्द्र जाडेजा, अक्षर पाटेल आरो कुलद्विप यादबनि मुंआ गिबि सारियाव थागोन। उइकेट किपार ऋशप पन्टआबो 634 सानफोरनि उनाव भारतनि हान्जायाव फैफिनगोन। ऋशप पन्टआ थांनय 2022 नि डिसेम्बर दानआव खार जाब्रबथाइनि जाहोनाव गोबाव समनाडे हान्जायाव फैफिनो

हायाखेमोन। नाथाय बे बोसोरनि आइपिएलआव बिथाडा गेलेफिनानै भारतनि हान्जायाव जायगा मोनफिनदोंमोन। गोखों बलारफोरनि बेलायाव महम्मद शिराज आरो मुकेश कुमार मोनहानो हान्जानि पास्ट बलार जानो हागौ। सा 15 गेलेगिरिफोरनि हान्जायाव आकाशदिप आरो आर्शिद्विप सिं बिसोर सानैनि गेजेराव जायखि-जाया सासे गेलेगिरिआ जायगा मोनगोन। गुबैथै बांलादेशनि हेंथायै गेलेनो गोनां सिरिजनि थाखाय सायख 'जाथाव गेलेगिरिफोरनि गेजेराव दड फारियै-रहित शर्मा (केप्टेन), यशस्वी जायस्वाल, शुभमन गिल, भिराट कहली, सर्फराज खान, देपदत पांडेकल, रंभिन्द्र जाडेजा, अक्षर पाटेल, आर आस्वीन, ऋशप पन्ट, ध्रुप जुलै, कुलद्विप यादव, महम्मद शिराज, मुकेश कुमार, आकाशदिप/ आर्शिद्विप सिं।

## 24 बोसोर हादतनि थाखाय सिबिथाय होनाय आसाम रेजिमेन्टनि जवान भबेन बर 'खौ कुमतिपारा गामिनि राइजो-राजाफोरा बरायदों

उदालगुरि, 4 सेप्टेम्बर: गोलाव 24 बोसोर 19 सान हादतनि थाखाय सिबिथाय होबोनाय भारतआरि रौनिया हान्जानि जवान भबेन बर'आ आजिरा लानानै गावनि आंगो गामि कु मतिपारासिम गिदिंबोफिनबाय। दिने कुमतिपारा गामिनि राइजो-राजाफोरजों लोगोसे 80 बोसोर बैसोनि बिफा जपेस्वर बर' आरो बिमा राधिका बर'आ फिसाज्ला



भबेन बर'आ हादत सिबिनानै गावनि आंगो न'आव

राजाफोरा भबेन बर'खौ रंजा-बाजायै दुंबुदयै बरायो। मख 'नो गोनांदि, थांनय 31 आगस्टखालि कार्गिलआव मावबिबानखों फोजोबनानै शिलनि गाहाइ मावखुलिनिफ्राय आजिरा लायो। दिने जवान भबेन बर'नि नयाव कुमतिपारा राइजो-राजाफोरा आर 'ज गाबना आरो फुजा होनानै बिथानि मोजां देहानि थाखाय इसोरनिसिम आर 'ज गाबो।

गोदान दिल्ली, 4 सेप्टेम्बर: प्र-काबाडि लीगनि 11थि सिजनआ सोलिफु बोसोर 2024 नि फैगौ 18 अक्टबरनिफ्राय जागायगोन। लीगनि बान्जायगिरि मसाल स्पर्टसआ दिने बे आयदानि बागै फोसावदों। बे खेबनि प्र-काबाडि लीगखों मोनथाम नोगोरफोराव खुंनय जागोन। सिजननि गिबि लेगआ 18 अक्टबरखालि हाइद्राबादि

गोदान दिल्ली, 4 सेप्टेम्बर: प्र-काबाडि लीगनि 11थि सिजनआ सोलिफु बोसोर 2024 नि फैगौ 18 अक्टबरनिफ्राय जागायगोन। लीगनि बान्जायगिरि मसाल स्पर्टसआ दिने बे आयदानि बागै फोसावदों। बे खेबनि प्र-काबाडि लीगखों मोनथाम नोगोरफोराव खुंनय जागोन। सिजननि गिबि लेगआ 18 अक्टबरखालि हाइद्राबादि

## जोहोलाव जांगिला सावथुनखौ नायगिरिफोरनि थाखाय बेखेवबाय

तामुलपुर, 4 सेप्टेम्बर: बाक्सानि मेदाघाटाव राइजो-राजाफोरनि थाखाय थांनय हरव बेखेवनानै होयो 'जोहोलाव जांगिला' सावथुनखौ। मेदाघाट स्पर्टस क्लाबनि बानजायनायाव थांनय हरनि समाव बाक्सा जिल्लानि मेदाघाट गेलेग्रा फोथायाव हरसेनि हाबाफारि लानानै प्रबिन गयारीनि लिरनाय सल' आरो बिथोन होनायाव अलंबार प्रडाकसनजों दिहुनजानाय 'जोहोलाव जांगिला' सावथुननि बेखेवनाय हाबाफारि लादों। बे जोहोलाव जांगिला सावथुनखों



दिननात रामचियारी बिथांआ गाहाइ आलासि महरै बाहागो लानानै बेखेवनानै होयो। बिथांजों लोगोसेनो बाहागो लाबावदों समाज सिबियारि जिबेस्वर स्वर्गियारी मुसलपुर जिल्ला बिसिएएनि आफादगिरि बाबुल बसुमतारि, स्टरि स्क्रिप्ट लिरगिरि आरो दिथागिरि प्रबिन गयारि, मेदाघाट दख 'रा एबसुनि बोसोनगिरि राकेस रामचियारी, आफादगिरि उटपल बर', बिथांमोनजों लोगोसे ओन्सोलनि दैदेनगिरि बिथांमोनबो बाहागो लायो।

## पेरिस पेरालिम्पिक 2024 आव दासिम भारतआ मोन 21 मेडेल देरहानो हाबाय सचिन सर्जेरावआ चटपुटआव सिल्भार मेडेल देरहानो हाबावदों

गोदान दिल्ली, 4 सेप्टेम्बर: दासान्दि, खुंजागासिनो थानाय पेरिस पेरालिम्पिकनि दिने 7थि सान। जागायनायनिफ्राय दिने 7 सानसिमाव भारतनि बादायगिरिफोरा सोलिबाय थानाय बे पेरिस पेरालिम्पिकआव मोन 3 सना, मोन 8 सिल्भार आरो मोन 10 ब्रन्जजों गासै मोन 21 मेडेल देरहानो हाबाय। दिने 7थि सानआव भारतनि चटपुट खुबैग्रा सचिन सर्जेरावआ सिल्भार मेडेल देरहानो हाबावदों। बिथाडा हौवाफोरनि एफ-46 केटेगरिनि चटपुट बादायलायनायाव 16.32 स्करजों सिल्भार मेडेल देरहानो हानायजों लोगोसे एसियान रेकर्ड खालामनो हारदों। पेरालिम्पिक गेम्सनि जारिमिनआव बेनो भारतनि साबसिन दिन्थिफुंनय। भारतनि गेलेगिरिफोरा थांनय मंगलबारखालि 6थि सानआवबो गासै मोन 5 मेडेल देरहानो हारदों। बेबायदिनो



आइजोफोरनि 400 मिटार खानाय बादायलायनायाव दिप्ती जिवानजिआ ब्रन्ज मेडेल, हौवाफोरनि एफ-46 केटेगरिनि जेभलिन बादायलायनायाव अजित सिंआ सिल्भार आरो सुन्दर सिं गुर्जरा ब्रन्ज मेडेल देरहानो हारदों। बेराफासं हौवाफोरनि टि-42 केटेगरिनि हाइ जाम्प इभेन्टआव शरत कुमारआ सिल्भार आरो मरियापन टंगाबेलुआ ब्रन्ज मेडेल देरहानो

हारदों। दासिम मोन 21 मेडेल देरहानानै भारतआ मेडेल देरहानो हानाय फारिलाइनि 19थि सारियाव थानो हारदों। बेराफासं चीन हादतआ दासिम मोन 56 सना, 41 सिल्भार आरो 23 ब्रन्जजों गासै 120 मेडेल देरहानानै फारिलाइनि गिबि सारियाव दड। ब्रिटेनआ 67 मेडेलजों 2थि आरो आमेरिकाआ 57 मेडेलजों 3थि सारियाव दड। मख 'नाय जायोदि, हौवाफोरनि

एफ-46 केटेगरियाव भारतनि सुन्दर सिं गुर्जरा 68.60 मिटार जान्थाइ जेभलिन खुबैनायनि वर्ल्ड रेकर्ड दड। नाथाय सोलिबाय थानाय पेरालिम्पिकआव 64.96 मिटार जान्थाइल' खुबैनाय ब्रन्ज मेडेल मोनो हारदों। बेराफासं भारतनि गुबुन सासे गेलेगिरि अजित सिंआ 65.62 मिटार जेभलिन खुबैनाय सिल्भार मेडेलखों आवगिनो हारदों।

## राहुल इभिडआ राजस्तान स्येल्सनि हेड कच जासिगोन



गोदान दिल्ली, 4 सेप्टेम्बर: भारतीय टीमनि बारग' कच राहुल इभिडआ बे खेबआव आइपिएलनि हान्जा राजस्तान स्येल्सनि हेड कच जासिगोन। राजस्तान स्येल्सनि सासे मावख 'गिरिआ फोरमायनाय बायदिब्लास राहुलजों गोरोबथा खालामनारनि सावरायनाया जोबथा थाखोसिम सौहैनानै दड। गोरोबथानि सावरायनाया जोबथायाव फैयोब्लाबनो राहुल इभिडआ थाबैनो कचनि बिबानखों सामलायसिगोन।

बबेखानि सोलिफु बोसोरनि जोबनाय दानफोरव जानो गोनां आइपिएसनि अक्सननि सिगांनो इभिडआ कचनि बिबानखों सामलायनो हागौ। भारतनि क्रिकेट हान्जाया इभिड कचिं स्टाफ टीमनि मेम्बार बिक्रम राठरआबो राजस्तान स्येल्सजों रादाय खालामनो हागौ। बिक्रम राठरआ भारतीय क्रिकेट हान्जानि बेटिं कचमोन। सोलिफु बोसोरनि थांनय जुन दानआव खुंजानाय टी-20 वर्ल्ड कापआवबो राहुल

इभिडआ भारतीय क्रिकेट हान्जानि हेड कचमोन। भारतीय हान्जाखों सेम्पियन खालामनो हासेयावबो बिथानि मावबिबान समखों बांहायाखै। बिथांखों थांनय 2021 माइथायनि नभेम्बर दानआव भारतीय क्रिकेट हान्जानि हेड कच महरै थिसन्दोंमोन। कच बिबान सामलायजेन्नाय समाव भारतीय क्रिकेट हान्जाय टी-20 वर्ल्ड कापनि गुप स्टे ज नि फ 1 य नो ओंखारनादोंमोन। बिथानि हेड कच सामलायनाय समाव 2022 नि टी-20 वर्ल्ड कापआवबो भारतनि हान्जाया खेमि फाइनाल गेलेनो साबु मोन्दोंमोन। इभिडनि कचिं आवनो भारतनि हान्जाया 2023 आव श्रीलंकाखों फेजेनानै एसिया कापबो देरहानो हाखांबाय।

## प्र-काबाडि लीगनि 11थि सिजनआ फैगौ 18 अक्टबरनिफ्राय खुंजागोन



गोदान दिल्ली, 4 सेप्टेम्बर: प्र-काबाडि लीगनि 11थि सिजनखों जागायनायनि अक्ट आरो जायगाखों फोसावनो मोनानै गोजोननाय मोन्दों। थांनय दानआव प्र-काबाडि लीगनि निलासआ जादोंमोन, जेराव सा 8 गेलेगिरिफोरा 1 कौटिनि बांसिन रंजों बाइजादों। मख 'नाय जायोदि, प्र-काबाडि लीगआ थांनय 2014 माइथायनि जुलाइ दानआव गिबि खेब खुंजादोंमोन। जयपुर पिंक पेटार्स हान्जाया केप्टेन नबनित गौतमनि दैदेनायाव गिबि सिजननि बिमुंखे देरहानो

इन्दुर स्टेडियमआव जागायगोन। बेनि उनाव 10 नभेम्बरनिफ्राय 2थि लेगआ नइदानि इन्दुर स्टेडियमआव खुंजागोन। बेबायदिनो 3थि लेगनि मेचफोरखों 3 डिसेम्बरनिफ्राय पुनेनि बालेवारि बेटिमिन्टन स्टेडियमआव खुंजागोन। मेचनि आबुं समफारिलाइखों माखासे सानफोरनि उनावनो फोसावनाय जागोन। प्र-काबाडि लीगनि कमिसनार अनुपम गस्वामीआ दिने फोस्मायदोंदि, जों प्र-काबाडि

हारदोंमोन। 2थि सिजनआव अनुपम कुमारनि केप्टेन दैदेनाय इउ मुम्बाइ हान्जाया सेम्पियन जानो हारदोंमोन। 3थि सिजनआव पाठना पाइरेटसआ सेम्पियन जानो हारदों आरो बे हान्जाया लान्त्रियै 3थि खेब फाइनालआव देरहानानै हेट्टिक सेम्पियन जानो हारदों। बेनि अनगायैबो बंगल वारियर्स, बंगालुरु बुल्स, दाबां दिल्ली आरो पुनेरि पल्टनआबो खेबसे-खेबसेयै सेम्पियन जानो हाखांबाय। बेराफासंथिं जयपुर पिंक पेटार्स हान्जाया 2थि खेब सेम्पियन जानो हारदों।